

重修兩淮鹽法志

兩淮鹽法志卷九十六

徵榷門

商課

下

雍正元年三月戶部劄行和碩怡親王奏各處解到地丁鹽課關稅錢糧原有隨平銀兩一項康熙五十七年大學士蕭永藻等將此隨平銀兩具奏作爲正項錢糧查此項隨平卽係從前飯銀今隨平雖作爲正項此外仍有飯銀乃

皇上恩養部內人等斷不可裁有此飯銀與正項錢糧無弊甚有裨益若於飯銀之外仍解隨平銀兩地方官加派必

致有累於民嗣後隨平銀兩應否解交

恩出

上裁雍正元年三月初九日奉

旨所奏殊屬可嘉此項銀兩著行文各省停止欽此是年十二月部劄從前各省外解飯銀並無定額今奉王諭將各省地丁正項錢糧元寶減爲七兩散碎者十兩各關稅鹽課飯銀元寶減爲七兩散碎者十五兩永爲定額又將飯銀內代補庫項虧空知照各省遵行雍正二年十一月戶部左侍郎李周望等查奏兩淮匣費雜費分別減存二冊其存冊開載各部院科衙門考覆奏銷飯食

銀一年共二萬三千五百四十兩又三年十月部劄本部侍郎查奏淮費存冊本部存奏銷飯銀一萬七千五百二十二兩今再行酌減九千二十兩存銀八千五百兩應行該御史於每年奏銷時照本部再減存之數批解永爲定例又十二年八月部劄本部十四司等處應解應革飯銀條款業已奏准通行相應刊刷清冊二本劄行兩淮鹽政存留一本轉發鹽道一本以便稽查款冊開載山東司應解飯銀兩淮鹽課奏考併帶行戊申一分共飯銀五千五百兩

內正綱五千兩帶戊一分五百兩嗣帶戊已竣又帶行乙

卯一

兩淮鹽課奏銷飯銀三千八百五十兩

內正綱三千五百兩

帶戊一分三百五十二兩嗣帶戊己竣又帶行乙卯一分  
此正綱飯銀八千五百兩即雍正三年部劄減定之數  
因有帶行鹽兩淮領引飯銀三百六十兩添解帶乙飯  
引故增多耳

繳引飯銀二百兩兩淮繳送劄付共飯銀三十二兩以

上戶部共應解飯銀九千九百七十八兩外都察院衙

門飯銀五千兩自帶行乙卯一分戶科飯銀四百八十

兩添解帶乙飯吏禮兵刑工五科共飯銀四百八十兩

添解帶乙飯刑部飯銀六十兩以上院部科共應解飯

銀六千六百一十六兩二共飯銀一萬六千五百九十

四兩現俱照數批解帶乙一分自乾隆庚申年起至己巳年止引目帶竣飯銀亦即停解

又繳引每一萬解顏料庫飯銀五錢  
每年按引核算約九十餘兩不定  
又乾隆元年四月

部劄先據原管兩淮鹽政高斌呈稱兩淮鹽課撥解外省協餉及本省支銷從前並無存剩餘平亦無飯銀止有協餉扣存補平銀六百五十兩河餉扣存補平銀七百兩續奉部覆嗣後務照本部原奏協撥外餉及本省支銷銀兩所有存剩餘平除留一半充公備用外其一半銀兩悉行解部應解飯銀查明造報茲據商人議將協餉原扣存補平銀六百五十兩再貼銀六百兩河餉原扣存補平銀七百兩再貼銀五百五十兩以符每千兩應解一半餘平一十二兩五錢之數造入冊內聽候撥解其協山河餉飯銀循照京餉之例每千兩完飯銀

十五兩一併造入冊內聽候撥解惟存留充公一半餘平每千兩應完銀十二兩五錢據眾商以添解補平二項已屬竭蹶若再完此項存留餘平商力實有未逮請俟遇有公務臨時捐輸應用經本部議俟各處覆齊之日彙議今據該鹽政呈稱起解京餉兩淮止有解部餘平十二兩五錢飯食銀十五兩後奉部文以一半留備地方公用各商自應勉力輸納茲據商人黃仁德等呈請咨明免解協餉內之餘平飯食并免納京餉內之留備一半充公查先據該管鹽政呈稱議將協餉河餉每千兩應解一半餘平銀一十二兩五錢造入冊內聽候

撥解其協餉河餉飯銀循照京餉之例每千兩完飯銀一十五兩一併造入冊內聽候撥解在案今何得復請免解又一半餘平銀兩係奉

特恩留爲地方公用亦未便免其解交應令該鹽政務照本部原奏協撥外餉及本省支銷銀兩所有存剩餘平除留一半充公備用外其一半銀兩悉行解部應解飯銀照數造報又七年十一月部劄據兩淮鹽政準泰呈稱兩淮減半餘平銀兩自應照成本案內所開三萬三千四百七十五兩七錢八分一釐之數作爲定額至餘平銀兩原係留爲地方公事及備荒應用請嗣後每綱酌留



銀一萬六千兩以爲鹽屬地方緊急公事及荒歉賑卹並修濬鹽河等項公用應照所呈酌留如有餘剩卽行報部撥解設有不敷該鹽政臨時再行咨題酌撥仍將動用過數目於歲底造冊報部覆銷又十年三月部劄查餘平一項先於乾隆五年本部題覆河東運使郭一裕交代案內議令嗣後按季徵收課餉之後卽造入該年春秋二撥冊內本部酌量留存地方公用之外其餘悉行提解部庫其撥解協餉及本省支銷餘平銀兩應令一併造入春秋二撥冊內報部酌撥在案今查各處鹽課餘平俱係全數造入季報冊內聽候酌量留存提

解惟兩淮止將減半餘平造入季冊而公用一半餘平並未造報又減半餘平之內每年預行酌留銀一萬六千兩以爲地方公用與本部原議不符且與各處辦理亦不畫一應令該鹽政嗣後徵收鹽課餘平遵照本部原議悉行造入季冊報部酌撥如有地方公用之處臨時於咨冊內聲明聽候本部酌量留存提解無庸預行存留致滋互異

雍正元年三月巡鹽御史謝賜履准戶部咨總理事務王大臣等奏稱據內務府奏蘇州織造錢糧原於江南布政司庫支領於康熙四十四年內原任管理織造官曹

寅李煦等題請停其在布政司庫支領銀兩在兩淮鹽課羨餘內支銀二十一萬兩給兩處織造應用在案查蘇州織造每年支用錢糧移取兩淮羨餘銀十萬五千兩內除一年用過錢糧外李煦每年拖欠銀四萬六千七千兩不等是每年支用銀五萬兩有餘六萬兩以內康熙六十一年內經戶部行文兩淮巡鹽御史管理織造官既有拖欠錢糧停其支給現今蘇州織造衙門無錢糧應用胡鳳翬放織造郎中仍照舊例令其在江南藩庫取用又行文兩淮巡鹽御史將每年巡鹽多得銀兩停其支領作速彙行解部是年九月又咨准部覆嗣

後自雍正元年起將每年巡鹽多得銀兩應解蘇州江甯二處織造并修理機房

誥帛養匠等銀共二十二萬七千六百二十兩俱照數按年解部

雍正二年十一月戶部左侍郎李周望等奏明查清兩淮正雜錢糧一摺兩淮部頒引目共一百五十九萬八千五百五十五引每引徵銀自一兩一錢二分零起至八錢零止各地方則例不等每年共額徵正課銀一百六十七萬九千一百六十六兩零額徵竈戶折價銀七萬七千二百三十五兩零共銀一百七十五萬六千四百

一兩零此歷年奏銷之定數除正額錢糧併額徵雜項  
內銅斤銀五萬兩河餉銀五萬兩紙硃銀四千七百九  
十五兩六錢考核報部之滿稅銀六十兩積餘銀四百  
兩俱仍令照例徵收聽候撥解無庸置議外查每年額  
徵織造銀二十二萬七千六百二十兩向係解送江蘇  
兩織造不入奏銷之項今已奉

旨停其解送嗣後添入奏銷案內報部候撥又每年額徵經費  
銀二萬七百十三兩零解費腳價等銀五萬六千八百  
八十兩零共銀七萬七千五百九十三兩零除扣存俸  
工代解土稅官設俸工時憲書紙張水手塘兵工食解

餉齋奏領引等項一年約用銀三萬八千餘兩外餘剩銀三萬八千餘兩向係院道各半分爲日用之費相應照舊應用又查應存庫正雜錢糧共二百三十三萬四千一百四兩零俱經新任運使何世璠盤查清楚接受交代並無挂欠

雍正四年十一月戶部議覆湖北巡撫鄭任鑰巡鹽御史噶爾泰會題荊州府屬巴東縣地湧鹽泉淮商旣稱情願照應增之課認納請將鹽泉嚴行封閉以杜川私應准封閉令淮商增引二千五百二十六道納課銀二千八百六兩三錢八分六釐

詳見引目

雍正七年二月巡鹽御史噶爾泰題准饒州口岸責成專商運行淮商程宏益等願於淮南額引之外自丁未綱起另增引二萬道照吉安府引課則例每年增課一萬六千二百一十九兩六錢

詳見引目

雍正十年二月兩江總督高其倬奏覆程宏益等所增饒州鹽引查饒州額引正綱歷係通綱貼費認行程宏益等額外增引二萬道並未運到口岸應將程宏益嚴查懲革新增饒引通綱均派一例納課部議覆准

詳見引目嗣

於十一年二月管理兩淮鹽政布政使高斌題饒州新增鹽引二萬道奉部行令均派通綱行運一例納課據

運使范廷謀詳稱辛亥綱於雍正九年九月內開綱至  
十年四月內奉到部文時饒州商人已經完納錢糧辦  
運引鹽十分之七未完無幾應令饒商一併完課運鹽  
統於壬子綱勻派經兼攝鹽政尹繼善批令速催完課  
捆運督押赴饒銷售仍將饒引作何勻派通綱權課之  
處妥議詳題在案今臣覆核運司所議江廣安慶池州  
太平吉安俱係淮南綱鹽口岸應照辦運各商名下引  
數多寡秉公均派運行再查新增餉引每引向納課銀  
八錢四分八釐九毫五忽今旣攤綱應照綱鹽之例權  
課每引納銀一兩一錢七分二釐七毫六忽五微六纖



同治縣志卷之十一  
於壬子綱起照數完納造入奏銷部議覆准

雍正十一年十月湖廣總督邁柱會題湖南永順府屬之  
永順保靖龍山桑植四縣按大小男婦名口照江西吉  
安引鹽之例計算每年需鹽二千七百二十一引又辰  
州府屬永綏地方按大小男婦名口照例計算每年需  
鹽五百五十引通共應增引三千二百七十一道惟是  
永順永綏均係新闢苗疆且處楚極邊所增引張課額  
難照淮南正綱完納請照獨行認運之江西吉安口岸  
每引納銀八錢四分八釐九毫五忽共徵銀二千七百  
七十六兩七錢六分八釐零其改捆子包斤兩悉照吉

安現行之例卽於癸丑綱起造入奏銷冊內報部查核  
至所增苗疆引鹽務須運至永順永綏口岸所有稽運  
水程桅封等件卽照所定額引填實永順永綏字樣俟  
到岸時令該商將所領引目水程桅封等件親赴湖南  
鹽道衙門投繳編給轉運水程赴各口岸銷售賣鹽完  
日仍將水程赴各該地方官衙門投驗各該地方官於  
季底按號賚道查銷所繳殘引照例賚入正綱殘引一  
同解繳再查鹽價隨時久奉

諭旨茲苗疆食鹽原奏內開現今鹽價每斤幾至四分今折中  
定價雖至貴不得過三分商民實爲兩便又鹽運司稱

商人黃景福實係殷實良商取具保結應准其認運行

銷部議覆准

互見引界引目

謹按雍正十二年湖督邁柱咨部酌定永順永綏等處改捆包硃斤兩每小包以八斤爲率每一引改小鹽四十三包嘉慶四年十一月鹽政徵瑞呈黃景福消乏稟稱自庚申綱起洪源茂更名接辦取具總商保結運司加結咨部覆准

雍正十二年十月兩江總督趙宏恩等題覆酌籌除弊兩淮綱食增引一疏雍正十年前督臣尹繼善條奏高寶儀徵等處同淮北綱鹽口岸共增食引二萬道綱引二

萬道配運餘鹽其如何分配行運完課奉部行令妥議  
今查無場竈坐落之高寶等州縣從未行銷官引今若  
驟行二萬引恐難銷售似應先爲試行再定後規高郵  
州已據閔德裕認運請試行三千引寶應縣已據黃仁  
德認運請試行三千引泰興縣已據羅振裕李恆泰認  
運請試行四千引共請頒發食引一萬道收買餘鹽配  
運試行一綱告竣如有不足另請續頒倘銷售不前卽  
將餘引繳銷試行三綱再作准數定額其捆運事宜悉  
依江甘食鹽成例惟完納正項課銀除紙硃銀照例每  
引三釐上納其請單銀四錢六分六釐呈綱銀二錢八

分二釐零領引銀一錢二分四釐零暫請減半輸將俟  
試行有效再議至課銀現既減半其賣鹽價值應令按  
照成本公平買賣方可蔽私疏引高郵寶應泰興等州  
縣乃私梟透漏緊要之處現各酌設巡役以資堵緝至  
揚屬儀徵縣乃淮南綱食引鹽掣摯之所每年過所鹽  
斤多至一百三四十萬引居民皆藉拋撒泥鹽食用貧  
難小民又賴掃鹽資生今若同高寶等州縣行運食引  
則拋撒泥鹽無從銷售必致透漏私販卽每年所獲功  
績鹽斤亦難售價該縣煙戶每年需鹽九十萬斤應將  
稱掣拆包駁運等處貧難男婦所掃泥鹽分設商店收

買並同功績鹽店一例售食以免行引仍令該縣嚴加  
稽查不許偷越又增設綱引二萬道據淮北綱鹽口岸  
各商呈請加入原設綱引內帶運每單引加鹽三十斤  
所加鹽斤照綱鹽錢糧加課八分四釐零淮北每綱額  
行綱鹽二十三萬一百三十二引每引加鹽三十斤共  
應加鹽六百九十萬三千九百六十斤以每單引三百  
四十四斤計算合該引二萬六十九引六分五釐零各  
商願照二萬七十道輸課一萬九千三百六十八兩五  
分一釐零於額課內併完請免增引雖引目未加而二  
萬餘引之鹽斤已均派運行按引加斤按斤加課商本

一國課兩有裨益十三年六月戶部議覆各處新增餘引俱係照額徵收並無減半輸將之例應照兩浙行銷餘引例除課餉照數完納外所有應輸鹽規等項雜費酌量減免鹽斤價值亦量爲稍減仍將減免各數報部查核儀徵一縣該督等雖稱應將稱掣拆包駁運等處貧難男婦所掃泥鹽分設商店收買並同功績鹽店一例售食以免行引但作何收買作何同功績鹽店一例銷售並有無完課之處應逐一分晰報部再議又所稱淮北增設綱引二萬道加入原設綱引內帶運每單引加鹽三十斤之處查兩淮綱食額引每年共一百六十餘萬

每引行鹽俱係三百四十四斤今若於淮北綱引二十  
三萬一百三十二引獨每引加鹽三十斤例不畫一不  
特於稱掣之時易於朦混卽沿途盤驗亦難稽查況增  
引行鹽按引完課定例當然應遵照原題增引行銷照  
例納課餘如所請互見引目嗣於乾隆元年六月兩江總督  
趙宏恩題覆貧難男婦所掃泥鹽現據商人郝遵三開  
設官店三處逐日收買掃鹽每斤定制錢五文彙發城  
內天甯寺古樓橋坊官店並同功績鹽一例轉售原價  
許賣制錢七文除定價五文外其餘爲滷耗虧折及房  
租人工火食之費續因銷售維艱又酌減一文其滷耗



等費倘有不足准在裁存巡費內動支至泥鹽原係商人已經完課正引內之地撒並無重複納課

雍正十三年六月兩江總督趙宏恩管理鹽政布政使高斌奏請加帶餘鹽一摺淮北板浦等場配引之外尙多餘鹽請照酌籌除弊緝私等事案內加斤帶運之例於淮北綱引內每引再帶餘鹽三十斤許作引二萬七千道加課銀一萬九千三百六十八兩五分一釐零自甲寅綱爲始隨綱完課試行戶部議覆請帶餘鹽與酌籌除弊等事案內議加餘鹽事同一例應遵彼案原議請引行銷按引完課未便令其帶運嗣於乾隆十年復經

兩江總督尹繼善題淮北試行加帶引鹽現今口岸銷售完額請自甲子綱爲始定額行銷部議覆准詳見引目  
乾隆元年七月戶部議覆兩江總督趙宏恩等題覆部查前署督臣尹繼善條奏兩淮鹽政酌籌除弊一疏分款酌議疏稱部覆高寶等州縣請增餘引一萬道應照兩浙行銷餘引之例除課餉照數完納外所有應輸鹽規等項雜費酌量減免鹽斤價值亦量爲稍減等因查高寶等州縣新增餘引一萬道已據認運各商議覆以乙卯綱爲始今奉

旨提綱應自丙辰綱爲始隨淮南正引一同請領試行一年如

有不足再行請領行銷有餘仍行解部查銷俟行之三年再作准數定額至奉部覆應照兩浙行銷餘引例除課餉照數完納鹽規等項雜費酌量減免但高寶等州縣增行食鹽事屬創始且鄰近場竈比江甘更爲較近其所請食引一萬道除紙硃照例每引三釐上納外所有應輸鹽規雜費遵照部議酌量減免除每年應輸入奏請單銀四錢三分呈綱銀二錢八分八絲領引銀一錢二分四釐九毫共入奏銀八千三百四十九兩八錢外其有不入奏原題請單內經解腳各費三分六釐呈綱內解費一釐九毫零計引一萬道共應完銀三百七

十九兩二錢五分應請題免至該三州縣額輸課餉撥解腳費所需無多應隨淮南課餉一併候解毋庸另議解費其鹽斤價值按照成本隨時減售等語查兩淮乙卯綱未完鹽課銀兩於雍正十三年十一月欽奉

上諭提出分年帶徵今高郵等州縣新增餘引一萬道應自丙辰綱爲始隨淮南正引請領行銷至課餉銀內每引應輸紙硃銀三釐共銀三十兩係解部刷辦引張之項應令按季造入撥餉冊內送部撥解其每引應輸請單呈綱領引等銀八錢三分四釐九毫零共銀八千三百四十九兩八錢係屬引課正項應令按年造入鹽課奏銷

冊內具題查核所有經解腳費相應免其徵收又疏稱  
前據淮北各商請將增設綱引二萬道之鹽斤加入原  
設綱引內帶運部覆行令增引行銷照例納課應自丙  
辰綱爲始請領引二萬七十道隨淮南正引附領配運  
但淮北引鹽出場抵所有十損五車之盤駁水腳獨重  
今卽增引行銷水腳必不能省若不減免雜費則成本  
過重勢難蔽私所有應納錢糧請單每引四錢三分六  
釐呈綱每引四錢四釐一毫二絲五忽加斤每引一錢  
二分四釐九毫共徵銀九錢六分五釐零照二萬七十  
道核算共該銀一萬九千三百六十八兩五分零又紙

硃銀每引三釐共該銀六十兩二錢一分應照款輸納  
外其餘可以免輸之雜費應請邀免等語查新增綱引  
二萬七十道准自丙辰綱爲始隨正領運應納請單呈  
綱加斤等銀按年造入鹽課奏銷紙硃銀兩按季造冊  
候撥至所稱雜費免輸之處查前項加增綱引係永遠  
定額之項非若餘引隨時增減者可比其雜費銀兩未  
便免徵致與通綱額徵之數不符應令該督等遵照臣  
部原題照例徵收

乾隆四年三月鹽政三保題准江西省所屬饒州一府見  
行綱引不敷銷售請照原議改撥吉安積鹽以濟饒食

之數另增新引一萬五千道照見行饒州則例納課一

萬六千六百六十五兩

詳見引目

乾隆八年署兩江總督尹繼善題定高郵寶應泰興三州縣食鹽引額每年共六千引續於十一年鹽政吉慶以高寶難於督銷足額而泰興額引不敷銷售奏定將高寶額引內撥出一千引增於泰興縣行銷作額計泰興實共行鹽三千五百引以額抵額於引課無虧

詳見引目

乾隆二十八年四月鹽政高恆奏江西吉安一府係內務府引窩每綱額行五萬一千五百餘引向來專籤殷商辦運三年更替每綱繳內務府窩利銀五萬二千四百

1997



到再議旋經兩江總督尹繼善會奏額引攤派通綱惟將額課窩利等項由通綱按引完納其吉安原額鹽數仍令吉安水販赴省埠買運在綱商攤引數內撥發行銷蓋引目攤派通綱而鹽斤仍銷吉安並非將吉安額鹽攤派江廣口岸隱占地步於提引並無妨礙至吉額引攤派通綱係按照各商名下滾總多寡之數照引勻派商情樂從並無勉強部覆准行

乾隆三十四年二月鹽政尤拔世奏准淮安府屬之山陽清河桃源徐州府屬之邳州宿遷睢甯海州屬之贛榆沭陽共八州縣額行淮北食鹽二萬六千七百一十引

請自己丑綱起仍照舊例以五分運食五分融綱照綱  
輸課經部議駁奉

旨准其融銷每引陞課銀一錢二分一釐二毫其陞課銀一千

六百十八兩六錢二分六釐

詳見融銷

乾隆四十年正月戶部議覆鹽政李質穎奏江甘融綱窩  
價請呈繳歸公一摺查江都甘泉二縣每年應銷食鹽  
二萬六千七百十引遞年壅滯仰沐

皇上天恩准其自庚寅綱起於額銷數內融出五分在於江西  
湖廣行銷該處僅止銷鹽一萬三千三百五十五引銷  
售自屬較易茲據該鹽政奏稱近今已閱四綱不但帶

銷積鹽已及一半商本得以歸回而其撥出之引賣給  
綱商得有窩價復可因融綱獲利該商等不敢作爲己  
有情願將每引融綱價銀一兩共一萬三千三百五十  
五兩呈繳充公自屬實在情節而所繳之價查與綱窩  
價值數目相符應准其自甲午綱爲始將該二縣融綱  
窩價銀兩同應完銅斤水腳等銀一體彙入節省項下  
按年解交內務府仍俟解交之時另造款冊送部查核  
奉

旨依議欽此

乾隆五十八年八月戶部覆准鹽政巴甯阿奏江甘二縣



清三項錢糧概給耗鹽十五斤等情經鹽政阿克當阿  
批戊辰綱未運殘鹽尙在奏銷以前旣於限內完清三  
項錢糧准如所詳辦理

嘉慶十九年十二月鹽政阿克當阿奏癸酉綱江廣鹽課  
奏銷已請展限至七月值此岸銷不暢除請運鹽二十  
餘萬引外尙有未請未運鹽四十餘萬引仰懇將癸酉  
綱江廣鹽課再展五箇月於本年十二月奏請仍自甲  
戌綱起按年提上一月至於癸未綱止復歸二月原限  
經部覆准

嘉慶二十年九月運司劉澧詳據淮南商人鄒同裕等稟

稱前奉恩施飭商等趕納錢糧除緩納帶耗銀外另加貼息扣至六月底期滿稟蒙轉詳展限一月見屆八月又已限滿除楚引前已稟辦號輪得邀緩貼帶耗外其西吉以及食岸引鹽非商等不知進退瀆求無已緣奉撥錢糧歷一時卽有一時應交之課源源而來日積月累而在岸鹽租閱一季均銷不足一季之數層層套搭愈壓愈多然每當派撥京河各餉奉傳鈞諭趕納錢糧商等無不勉力急公從無退縮茲又續經奉撥若不將前項貼息帶耗之款叩請仁恩展限恐各商見無可補苴心存畏葸於庫儲餉需均無裨益伏乞賞將綱食各

岸引鹽課項一律詳請展限俾各商知憲恩普徧無不  
及時輸納以資應解而清正課等情本司查趕納錢糧  
貼息帶耗一案先經前護司詳奉憲臺批准之日起限  
兩箇月扣足十八卯各商於九卯完清全款錢糧綱鹽  
准扣貼息六錢食鹽准扣二錢下九卯綱鹽准扣四錢  
食鹽准扣一錢並准照例緩納帶耗嗣因商課一時不  
濟復據稟懇將綱鹽貼息六錢食鹽貼息二錢初限之  
例再予展限一月又經本司議請酌分三限首三卯限  
納銀四十萬兩其次三卯及末三卯均各限納三十餘  
萬兩仍照原限予以貼息帶耗詳蒙憲臺批准飭遵迨

展限期滿餉項仍不敷應解據各商公稟若將貼息帶耗停止恐各商虧苦無以補苴請將綱食引鹽貼息帶耗限期再予展限一月自奉批之日起分爲九卯前三卯限納銀四十萬兩次三卯及末三卯均各限納銀三十萬兩各商如能依限趕完者仍照原限准予貼息緩納帶耗以應餉需緣由詳奉憲臺批准飭遵辦理各在案今據具稟前情覆查趕納錢糧原爲應撥餉項之急需自詳奉批准及展限趕納以來各商雖知籌措趨公辦納其如轉課不繼庫儲仍行支絀且應解餉項繁多勢須趕籌濟撥雖節經嚴催而終難迅速應急其有勉



力從公者似宜加以體恤今該眾商等所稟恐各商見無可補直心存畏蕙尙屬實情應請仰邀憲恩俯准將綱食各岸趕納限期再予展限一月以詳奉憲臺批准之日起限仍分九卯前三卯限納銀四十萬兩次三卯及末三卯均各限納銀三十萬兩併按各商前認定三十萬之數酌以四成均派如能依限趕完者仍照原限綱鹽准予貼息六錢食鹽貼息二錢一律緩納帶耗以應餉需而示鼓勵經鹽政阿克當阿批據詳各商岸銷壅滯回課轉輸不繼姑准如詳再予展限一月仰卽飭令各商依限完納以應撥解儻有遲誤逾延卽行扣除

嘉慶二十一年閏六月運司劉澤詳據淮南商人鄒同裕等稟稱商等前以趕納錢糧應解餉需稟請立限繳完分別貼息帶耗給發印本抵納奏銷應納錢糧嗣因限滿稟請展至六月底爲止凡於限內投完仍照前例每千兩貼息銀五十兩仰蒙憲恩轉詳批准飭遵在案茲六月限期屆滿再籲憲恩轉詳大憲准將貼息五十兩限期展至七月十三日卯期爲止以紓商力本司查本年三月內因應解京河各餉繁多亟須籌解通河眾商因岸滯未暢措課維艱議請立限於三月內完繳之銀每千兩貼息銀七十兩四月內完繳之銀每千兩貼息

銀五十兩另給貼息印本核作收支於丙子開綱時准抵新殘綱食及北融錢糧俟截數詳銷先於庫款內請領銀二十萬兩以備晝抵至於限內完糧者抵銷請運有數十萬引統於五六兩月同時請辦場船屯船裝載不及將來到儀恐有參差請准一律給耗以備虧苦等情詳奉憲臺批准飭遵在案今該商等復請展限應請再加寬展經鹽政阿克當阿批允

道光二年七月軍機大臣戶部議覆兩淮鹽政曾煥奏每綱科則向來連捐帶各款總在五兩內外從無輕至三兩有餘之事一節臣等查例載兩淮鹽課每引配鹽三

百六十四斤按引核計每引正課銀八錢三分零至一兩一錢七分零不等今稱每引五兩內外是竟加至四倍雖雜項並不報部而揆之情理雜浮於正如此焉得暢銷應令該鹽政再大加裁節究竟每引可減至若干並將何以雜項轉倍於正之處一併查明具奏又查淮南辦公一款嘉慶六年前任兩江總督臣費純奏准每年酌定銀一百二十萬兩留爲辦公之用等因在案今據該鹽政奏稱兩淮辦公銀一百二十萬兩嘉慶十二年經前鹽政臣額勒布奏定以七十萬兩爲額以節省五十萬兩呈繳

玉貢嗣於嘉慶十八年各商辦公不敷稟請加帶銀二十萬兩經前鹽政臣阿克當阿批准定以三年爲限嗣後歷經展限加帶在案今

玉貢一款已蒙豁免自應諸從節儉定以七十萬兩爲率不許浮逾其黑費名色已嚴飭各分司場員查禁等語臣等查兩淮當此商情竭蹶之時應完正項錢糧尙不能年清年款此項辦公銀兩僅係外用外銷豈可稍事浮糜致疲商力今該鹽政請定每年酌留銀七十萬兩臣等核計從前酌留一百二十萬兩內裁去

玉貢銀五十萬兩

自經此次奏定之後止准隨時酌減不得再議加增所有各商加帶銀二十萬兩應卽永行停止

道光八年四月軍機大臣戶部議覆兩淮鹽政福珠隆阿奏瀝陳淮鹺疲敝籌議積引帶款章程一摺臣等查淮南淮北未銷舊引統計已及兩綱本年應開戊子新綱若責令新舊並銷旣不能以一綱行運數綱之引且恐舊引未清新引又積似此遞年塵壓永無清理之期至甲申等五綱每年應徵正綱銀四百餘萬兩加以帶徵銀一百六十餘萬兩其應徵正帶銀五百六十餘萬兩而道光四五六等年每年實完正帶銀數見據奏稱仍

祇四百餘萬兩與其挪新掩舊致帶款徒屬虛名何如  
停舊徵新俾正款咸歸實際該鹽政請將舊引全行統  
銷欠款全行遞緩並將留運丙戌以前殘引趕於本年  
二月奏銷期內埽數銷完卽自戊子年起專辦新綱引  
課仍於新引新課之內分別折免攤賠其辛卯綱引亦  
毋庸提出分年帶運自係爲剔清積弊整理全規起見  
惟統引數及兩綱之多帶款遞逾五年之久至戊子等  
五綱折免疲商引課歸入通綱代賠於帑項雖屬無虧  
於運務亦非正辦實係格外邀

恩如蒙

俞允是戊子年開綱以後滯鹽則片引無遺帶款則遞年推緩該鹽政既稱從此引目課賦必可年清年額卽當力求實數不得徒託空言應責成該鹽政嚴督運司先行查明淮南未鈔丙戌半綱及淮南北留運丙戌以前殘引應徵各項課款銀數其有若干分別應撥應解迅卽報部並自本年戊子綱爲始按四季行鹽之法飭令商人按季銷完徵齊正雜錢糧入於春秋季報聽候撥用其應解京外帑利等款均勻核計分作兩次起解上半於本年十月解完下半於次年二月解完統於奏銷以前埽數全清其每年參斤變價銀二十餘萬兩亦照例速



行變解無任延宕惟查兩淮每年應解京外帑利匣費等項銀兩向不專案報部其是否按綱解足戶部無從稽查易滋弊混嗣後於起解時應令逐案呈報毋稍遺漏至戊子等五綱內淮南之江西甯國上江等口岸分七八折行鹽完納十分課項淮北改三引爲四引併包止完正課其江西等岸賠折內外正雜課項約銀四十餘萬兩淮北內外雜款約銀十餘萬兩每綱約共銀五十餘萬兩均歸淮南通綱代還應責於當年照數賠完俟五年後至癸巳綱再復原額以紓商力仍令該鹽政於明年二月奏銷戊子錢糧爲始將淮南淮北全綱應

徵正雜各課及京外各衙門解款共銀四百餘萬兩分  
晰款項數目另造一冊此內某款於某季入撥某款於  
某日起解逐一註明隨同奏銷各冊送部以憑總核嗣  
後每屆奏銷均卽照此辦理此外尙有每綱加價銀一  
百八十餘萬兩本係出自編氓與商課並無干涉應令  
遵照戶部前議由司道各庫按三箇月徵齊造報至統  
銷淮南丙戌正帶半綱淮北乙酉殘綱丙戌全綱及淮  
南淮北丁亥全綱並丁亥以後淮南灋帶戊寅各引共  
三百三十三萬七千六百一十八道應賠課款銀七百  
八十七萬九千五百七十八兩零同清查案內未歸還

懸墊銀一百五十八萬四千四百二十一兩零其銀九百四十六萬四千兩零應准其自癸巳綱起分作十綱徵還惟丙戌丁亥兩綱歲支懸墊一款溯查道光三年臣部議奏兩淮運司清查運庫案內聲明嗣後不准再有墊撥何以甫經數載又有懸墊銀二百二十餘萬兩自未便任令久懸至癸巳綱始行分年完解應令卽於戊子等五綱內分限歸還以清庫項計戊子等五綱每綱總以徵足銀四十五萬兩爲斷癸巳等十綱每綱總以徵足銀九十四萬六千四百兩零爲斷分解各款卽於此內均勻撥解不得將數少者先行完報以杜趨避



費繁多卽辦

貢辦公一款有奏定七十萬兩之數亦支用逾額總名曰  
雜項辦公不敷旣占見綱之銀皆歸下綱帶還在上綱  
旣多不敷至下綱又焉能加帶如此種種遞積陳陳相  
因致庫貯墊占全空見計墊款至五六百萬兩之多京  
外應解應支各項俱無以應支解若不亟爲截清伊於  
胡底前曾奏革預納減納貼息貼色等事此後應請聲  
明成例永遠革除一面將外支雜項辦

貢辦公各浮費大加裁節定以准數支發不准逾額再有  
商借各款係在上次清查公借帑本之外者應卽勒令

分定期限繳還如有遲延或繳不足數按名查抄治罪  
如此將庫貯釐清查明殷實諳練之商奏籤充總辦運  
資眾力以裕轉輸可冀整復舊規奉

旨允行

恭載

上諭一道

制詔

道光十年十月兩江總督陶澍奏兩淮岸引之所以滯銷  
者由於成本積漸成多成本之輸於官者爲科則有正  
項雜項外支帶款等名目用於商者有引窩鹽價捆壩  
運費辛工火足等名目此外應徵雜支各款尙多而外  
銷活支月摺岸費等款皆總商私立名目假公濟私詭  
混開銷種種浮費倍蓰正課統名爲成本歸於鹽價以

致成本價懸銷售無術轉運愈滯積引愈多引既不能  
年銷年額課焉能年清年款從前章程本爲虛立而虛  
稱報效無非分綱壓派之爲虛報奏銷更起懸墊挪移  
之漸前綱懸墊後綱復難挪補解餉無措於是遮掩彌  
縫有預納減納貼息之名或折減若干作爲正數其貼  
息貼色亦於正數內少完若干作爲加色加息之數商  
既巧占便宜而庫儲因以短縮與州縣之挪移何異其  
少納之數雖云分綱帶完然積欠以至數千萬前此清  
查或分十五綱帶徵或分三十綱歸補輾轉相承從何  
徵納且以前商折減少納之課攤派後人彌補李代桃

僵偏枯孰甚以致殷商裹足不前正課亦懸而無著矣  
至於報效一款原係因公抒誠得沾議敘自應各出已  
資乃亦先由運庫墊解分年帶繳積欠纍纍是庫存正  
款徒爲商人騙取議敘之用而商捐之名適足爲消耗  
之目而已總之弊起於商而利不在商商旣自敝而課  
因以敝見在己丑之引行銷甫半庚寅年尙未開綱課  
紕商刁浮僞百出造謠興謗不服稽查興言及此可勝  
慨歎亟宜大減浮費節止流攤以輕成本而恤運商應  
請

旨飭下鹽臣督同運司鹽道妥議籌辦實力奉行

詳見  
藝文



道光十年十二月尙書王鼎侍郎寶興兩江總督陶澍會奏籌辦淮鹺積弊章程一曰裁減浮費也兩淮雜費有外支辦

貢辦公等項在科則內帶徵爲文武衙門公費並一切善舉辛工役食雜費等用踵事遞增益多糜費除養廉兵餉水腳部飯等項共銀三十三萬餘兩向係作正開銷無可刪減此外如普濟育嬰書院義學等項亦應酌從其舊惟各堂董事濫廁多名與書樓務本堂等處歲需銀二十餘萬兩俱係情面挹助並非緊款此時無款可發應概行裁汰其餘各衙門公費及鹽政運司員役書

工紙飯並乏商月摺等項每年共需銀八十餘萬兩難免浮冒應分別大加刪減其應實存應領之款亦酌減十分之四五不准商人溢領私增致滋浮濫有累成本再漢口地方乃鹽聚售分銷湖南北引鹽之所各商按引捐銀專爲當事衙門公費等用近因該岸商夥恣意浮開並濫爲酬應每引捐銀至一兩三錢之多雖不徵於科則而本重價昂以致滯銷紕課實爲淮綱之患應大加刪減每引祇准捐銀四錢仍由該鹽道核數詳明各院立案永遠不准加增一曰慎重出納也商課入庫向來不分正雜籠統動支追遇緊餉應解百計挪湊因

有預納減納貼色及印本紙課等弊庫款之糾纏虧耗一空皆由於此嗣後永禁前項儲庫專候部撥及應解正款其餘雜費另儲外庫不許將正款挪墊更不許商人干預庫項以免弊混

詳見藝文

道光十一年二月署運司色克精額詳據商人尉躋美等議稟新綱科則內除應解懸墊等款已奉奏停緩毋須置議外所有應解正課自應按則徵完而外支雜項已奉裁減數十萬兩應遵照見定一百萬兩之數派徵其辦公辦

貢復奉節省一半此內酌定各數已無更易仍有隨時酌

減未定者應請以三十三萬兩正數派徵應支應發遵  
奉發冊辦理至庚寅年奉發侵斤業經照數領派庚寅  
並未開綱除解費歸入解支其應變價銀兩應請卽於  
見開辛卯新綱統入楚西總派至科則內本有另帶甘  
肅餉銀雖蒙奏明停緩當此軍興之際商等仍願照數  
列徵分別報解應用卽此核計科則已在四兩之數其  
在外未銷印本准予抵納一款應遵見定年限分入辛  
卯壬辰癸巳三綱攤補完款此外尙有南北各倉應行  
買補穀石應否每引加帶二錢以重倉儲其科則外所  
捐緝私經費原請每引分別三錢以至一錢者若可無

須備帶卽請免列徵完應候憲裁核詳外至商等完課  
次序向分請單呈綱加斤三次投完其正項雜費亦係  
依次分完今辦

貢辦公卽請以本款名目入加斤時派徵等情並據甯國  
岸商稟以岸鹽銷滯請將應完賞借一款歸綱派帶俾  
輕科則等情總計湖廣每引其須徵銀四兩八錢六分  
零是否俯如所請按照綱食依次分派徵納理合開冊  
詳候示遵經鹽政陶澍批查辛卯綱引原經奏明減輕  
科則以利招徠今緝私經費例帶三錢應減去一錢庚  
寅稜價係以物易銀本有原領稜斤之商繳銀不應列

入辛卯應卽刪除其應解之銀於領獲商名繳銀完解  
又查本年酌定辦

貢辦公各款斷不能再有短少卽解支各款亦未便短缺  
倘或一綱之內銷不足額則款項無出必致有須挪墊  
仍啟套搭之漸不得不預爲籌畫自應另籌備公銀三  
十萬兩以補不足倘辦

貢辦公本款能以徵足將來此款卽歸入存公款內以後  
毋須再立此款再辦

貢辦公一款係應支緊款今司冊列入加斤時完納爲日  
較遲應改入請單時投完以濟要需如請單時應完銀

數較多卽將歸補正款三錢改於加斤繳完以均輕重  
道光十一年三月運司俞德淵詳查新定加鹽一百三十  
六斤連舊額共合五百斤以四百斤爲正引以一百斤  
作爲帶殘應自辛卯綱始淮南綱岸每引應帶徵己庚  
課銀三錢六分二釐零其餘各食岸各照科則派帶至  
淮北口岸亦應循照一體派完銀二錢二分六釐零統  
以加斤帶完己庚正課名目專列一款徵收並將派徵  
清冊呈送經鹽政陶澍批准又於是年四月運司呈報  
查前定綱岸每引四兩四錢四分二釐零之外續有加  
鹽一百斤應行帶完己庚停運正課復經詳明綱岸每

引徵銀三錢六分二釐零均應核入科則一同正引完納今連帶每引合徵四兩八錢四釐七毫零其餘各岸各照科則依次派徵見已飭匠將辛卯綱食各岸科則分晰刊成除發商通飭遵照完納外理合將刊成科則具呈

道光十二年八月運司俞德淵詳今屆開辦壬辰新綱之時所有壬辰科則除請呈加三款入奏正項並請單雜項徵完入奏織造銅斤河餉等銀呈綱雜項徵完鹽規匣費以及外帶甘肅解款歸補墊款緝私經費加斤帶完己庚正課均仍循照辛卯科則完納毋庸更議外查



請單雜費內徵完內外各款利息本年逢閏之年應行增完一月利銀又辦公辦

貢上綱辛卯係按三十三萬正數徵納核計該綱雖有餘銀但壬辰備辦

貢物用費尙有增減應仍查上綱列帶又呈綱雜費內徵完外支各款上綱辛卯係按一百萬兩正數帶徵原屬寬爲儲備續經減支外支各款七十五萬餘兩應有餘銀二十餘萬兩壬辰卽當減除免徵惟查在前積欠各年穫價銀九十六萬四千餘兩業奉奏明自壬辰年起分作五綱帶徵起解經署司詳請在於原徵外支各款



十七兩三錢二分又道光七年奉發東珠變價銀除已  
變存庫銀六百十二兩外欠繳銀一萬九千四百三十  
兩三錢緣皮張等項向難變繳足數屢催各商將實值  
價銀先行繳庫不敷之數議帶應解任催數年並未議  
覆應卽在於前項餘賸銀內撥解歸款以清內務府積  
欠此後辛卯綱爲始飭令各商先將實值價銀趕緊繳  
庫不敷若干卽於酌存辦公款內按年扣抵湊足起解  
年清年款以免拖延所有呈綱雜費壬辰科則內仍照  
辛卯綱列徵又加斤雜項內所徵節省等銀二十三款  
係按楚西吉江甘融楚安池太饒及各食岸額引攤帶

今請將吉安窩利江甘融楚窩價統按楚西吉安融楚額引均勻分攤彙入節省款內徵收其食岸請免辦公辦

貢銀兩亦按楚西吉安融楚均派以歸畫一而昭公允又預籌經費一項原奏係專指辛卯一綱而言壬辰本當刪除惟壬辰已逾半年一應解支款項尙未開綱起徵即使辛卯帶徵呈費餘銀及預籌經費全數徵足核計缺數尙多難免遞年套搭墊支亦應仍照上綱列帶又鹽義倉穀價上年據辦事商人議請每引列帶銀二錢因甫當減本利運之際詳請刪免今各倉均已空虛若

不列帶買補一遇荒歉無可動撥關繫匪輕亦請每引酌帶一錢安池太及食岸分別遞減統計壬辰綱每引其徵銀四兩九錢五分二釐零較之上綱辛卯每引增重一錢四分八釐零連另完棧價其增三錢三分四釐有餘至淮北口岸辛卯有帶完銃引紙硃升課一款壬辰毋庸再帶其餘正雜均係額款應仍查照辛卯完納理合將淮南北壬辰綱食應徵科則開冊呈送經鹽政陶澍批准

道光十二年十二月運司俞德淵詳報查壬辰甯國各食岸鹽二十三萬三十三引業經詳奉奏明融入綱岸代

銷照各岸壬辰科則其應徵完正雜錢糧及加帶己庚  
正課該銀六十五萬一千七百五兩一錢二釐均勻攤  
派每引應完銀二兩八錢三分三釐一毫仍分三次投  
完請票重鹽並定以請辦綱鹽之遲早派給融食之多  
寡先後詳明批准在案今查各食岸原納科則本有輕  
重不一旣一律均勻攤納除將各食岸應徵正雜等款  
仍分請呈加三次另行改派科則諭飭各商遵照完納  
外理合繕造改派清冊呈送

又饒州岸引前經詳明併歸西岸公運錢糧統照楚西  
綱岸完納按饒州科則計有多餘銀兩存爲緝私等項

之用所有前刊壬辰科則原照饒州錢糧專列一款刊  
徵見應刪除歸併楚西吉安江甘融楚一同照完又壬  
辰綱應徵稅價銀兩亦經詳明改照楚西實運引數派  
完於上納請單正項時完納均與前刊科則不符今照  
詳定章程另行刊正發商查照完納

道光十三年九月運司俞德淵詳茲屆開辦癸巳新綱之  
時所有癸巳綱淮南科則除鹽一百斤帶完己庚正課  
業經詳請奏明停止另行遞綱籌帶外尙應完銀四兩  
五錢五分有奇統扯牽算較之壬辰每引增重六錢當  
此舊綱積鹽未運甚多新綱科則若仍復較重必致有

虧商本請引不前有誤來年奏報查預籌經費每引二錢三分七釐零原恐外支雜項一時未能徵齊先須墊發是以預籌計辛壬兩綱共已列帶六十萬兩並有辛卯呈綱雜費盈餘銀二十萬兩共八十萬兩卽就此多餘之數遞年流墊足敷支用應請自癸巳綱起毋庸攤帶又外捐緝私經費每引一錢辛壬兩綱共額徵銀二十三萬三千餘兩截至見今止所用不過十一萬照額徵完應存銀十二三萬兩尙敷一二年之用又鹽義倉穀每引一錢壬辰綱已攤帶十一萬餘兩因本年歲末豐稔未能買補至若來年成熟就近買補運倉亦可暫



資儲備均請於癸巳一綱暫免攤帶又呈綱雜費每綱統徵銀八十萬兩以爲在外各項支用之需辛壬兩綱共銀一百六十萬兩內有巡費銀十四萬餘兩活支等款銀十四萬兩二共二十八萬餘兩當時本係約計並非核實釐定近年經本司遇事撙節截至見今止兩載有餘止用銀二十萬餘兩尙賸銀九萬餘兩足敷癸巳年動支並請於癸巳一綱將呈綱雜費楚西每引暫減一錢安池太饒每引暫減五分各食岸每引暫減四分以上共請暫減緝費穀價呈費三款計楚西三錢安池太饒一錢五分各食岸一錢俟至甲午綱減除每引歸



吉綱引專款帶完再淮北正雜錢糧前於票鹽推廣案內奉經核定以綱食額行引數一律通派每引該銀一兩五分六釐零具奏在案其應帶己庚正課亦於淮南停止加鹽案內聲請淮北分帶己庚未運課銀仍於溢請票引內按年銷算造報毋庸一併扣停應仍照數列入科則理合造冊詳送經鹽政陶澍批允惟倉穀帶完每引數止一錢仰仍刊入通飭各商遵照完納

道光十四年十二月運司俞德淵詳奉憲劄甲午科則能減至三兩九錢內外俾成本更輕於趕運新綱更有裨益等因本司查上年癸巳綱每引共徵銀四兩一錢一

分六釐零聲明俟甲午綱刪除每引歸補墊款仍各照舊帶徵詳奉批准刊刻課單遵行在案今屆來年正月開綱之期奉劄前因伏查鹽院衙門賞號銀五萬四百兩係列入辦

貢辦公款內按綱食額引攤徵既奉刪除自應在於綱食各岸科則內均勻加減惟楚西兩岸有西省岸商將在岸息本墊繳運庫欠繳鹽道匣費前據商稟詳明列入甲午帶徵銀一錢二分零安池太及食岸並無加帶之款所有前項奉刪銀五萬四百兩應請止就楚西吉及江甘融楚額引減除計每引減銀四分八釐二毫零又

應查照上綱刪除歸補墊款三錢又籌帶倉穀一項壬  
癸兩綱已帶徵銀二十三萬餘兩動用無幾每引原帶  
一錢亦可暫緩加帶又請單雜費內徵完內外帑利應  
起除解還清節堂本銀減除利息二釐五毫零以上按  
癸巳科則起除免徵外其緝私經費每引止帶五六分  
恐不敷用楚西吉每引酌帶八分安池太饒及食岸仍  
照舊分別列帶五分三分又上綱少完呈綱雜費一錢  
亦應照舊列徵又楚西兩岸專案列帶歸還西省匣費  
本利一錢二分零其餘例應徵完請呈加三款入奏正  
項並請單雜項徵完入奏織造銅斤河餉等銀又呈綱

徵完積欠棧價外帶甘肅解款均仍循照上綱科則完  
納計甲午綱楚西等岸綱鹽每引其徵三兩九錢六分  
八釐零較之癸巳四兩一錢一分六釐減輕一錢四分  
八釐又外帶棧價一項照癸巳年奉發棧斤數目照例  
派歸楚西吉綱引內專款帶完又淮北正雜錢糧上年  
於推廣票鹽案內奉經核定以綱食額行引數一律通  
派每引徵銀一兩五分六毫零在案其加帶己庚殘課  
仍於溢請票鹽內按年銷算造報應帶完戊子正課仍  
應照數列入科則除刊刻通飭遵照完納外理合造冊

詳送

互見  
銚銷

道光十五年九月護運司姚瑩詳查上綱甲午楚西每引共徵正雜各款三兩九錢六分八釐零今乙未綱除請呈加三正項及請單雜項辦

貢辦公呈綱雜項雜費俱仍循照甲午完納外所有請單雜費徵完帑利應增閏月利銀又加斤雜項徵完報解節省上年詳明內有吉安窩價並江甘融楚窩價遵照奏案以一錢二分報解核計辛壬癸甲四綱每綱減存銀八錢八分以爲抵解甲午一綱棧價見在乙未應照一錢二分派徵又上綱帶徵甘肅解款乙未已屆限滿其歸還西省匣費亦無庸帶納理應另帶積欠各款惟

兩淮歷年奉發內外帑本不下數百萬兩俱因從前商人公借無存雖曾奉前鹽憲奏明酌議綱分分別還本利節經展限迄無帶徵之期以致見在各商空賠利息應請自乙未綱楚西引內酌帶公借帑本二錢安池太饒及各食岸依次遞減八折六折帶完俟徵有成數再行專案詳請還本停利又買補倉穀上綱因科則已重未經入帶其緝私經費亦減完八分今乙未科則尙輕並請酌帶倉穀一錢緝私經費一錢總共合徵三兩九錢八分六釐零比較甲午止增一分數釐尙不過重又甲午棧價已於減存窩價銀內抵解乙未綱應卽帶完



本年價銀每引派徵二錢一分七釐零於楚西引內專款帶完淮北仍照上綱辦理經鹽政批允惟倉穀一項可於一錢內減去五分每引祇增五分則照上綱科則有減無增矣

道光十六年三月運司姚瑩詳丙申正綱科則除呈請加三正項及請單雜項辦

貢辦公呈綱雜費俱仍循照上綱完納祇請單雜費徵完帑利照上綱減除閏月利銀三分五釐零每引共合徵銀三兩五錢五分四毫零又上綱酌帶帑本緝私經費倉穀等三款今請刪除免帶讓出地步酌帶乙未綱初

限應徵正雜各款計楚西每引三錢四分二釐零分爲  
請單時徵完報部正項一錢九分五釐零呈綱時徵完  
帑利五分九釐零加斤時徵完辦

貢辦公外支各款八分七釐共合三錢四分二釐零另再  
籌墊解款一錢以爲應墊奉催乙未綱緊要解款以上  
每引共合徵銀三兩九錢九分三釐零較之上綱加增  
五分六釐零係連帶徵乙未正雜各課統在其內仍符  
四兩以內科則經鹽政批允

道光十七年五月護運司姚瑩詳查丁酉新綱科則前經  
詳定見須添備路

貢二分應請就數列徵卽以留備秋圍路

貢價銀之用又憲轅緝私賞號見已支用無存應仍循照  
壬癸綱科則帶完以備隨時提用

道光十八年四月署運司沈拱辰詳查戊戌新綱開徵在  
卽所有該綱應徵正雜錢糧須按款核定飭商遵照完  
納除請呈加三正項三雜項並帶乙正雜等款均仍循  
照上綱科則徵完毋庸更易外所有請單雜費徵完內  
外帑利本年逢閏應加閏月利銀每引三分五釐九毫  
零星綱雜費亦照上綱徵完惟辦

貢辦公一款上綱丁酉因加攤融引雜項科則增重詳明

減完五分以厯綱所存之匠作等項畫補今查厯綱匠作等項雖有盈餘尙未全數徵存而辦

貢辦公係每年必須支用之款難以稍緩應將上綱減完之銀於本綱照數補完每引加完五分應徵銀三錢四分二釐零又緝私經費上綱全行減緩連乙未丙申已停帶三綱若再緩帶恐不敷用應每引酌帶一錢以上正帶正雜各款每引共徵完銀三兩九錢八分五釐零又楚西吉引內遞完丁酉年棧價仍照二十萬兩派帶每引另徵銀一錢九分三釐八毫零再淮北科則應帶己庚殘引課銀係自辛卯起至丁酉止七綱共徵銀五

十二萬五千五百八十六兩零內除正款五十一萬八千六百餘兩分別報解外仍餘銀六千九百四十六兩零原經開冊詳咨留爲帶徵節年部府等衙門銀款上綱丁酉已屆限滿今戊戌旣無應帶己庚殘鹽自應停止帶課按照原定正雜等銀每引一兩五分六釐零票運引內遵照奏明加帶淮南雜款二錢商運引內加完雜費四錢仍照案加帶戊子正課二錢二分四釐零合將南北應徵正雜課款開具清冊詳送核批等情經鹽政陶澍批准

道光十九年二月鹽政批署運司沈拱辰詳查淮北協貼

數隆明 商課下

藉以廣示招徠似此多方體恤該運司務須曉諭各商踴躍急公力圖起色仰卽刊刻課單呈送備案一面飭商遵照完納查照向年成案將各商派運引數造冊呈送仍將示稿錄呈查考

道光三十年二月鹽政陸建瀛奏淮南鹺務疲敝每年僅運三折近來楚岸官私費用至一百二十萬併攤於滯銷四五十萬引之中鹽本愈重愈不足以敵私臣屢飭運司查報每年奏銷正款亦無非拮据敷衍非大加整頓斷不能有起色又奏陳酌議章程十條內稱按戊申綱科則以每年請運八十九萬五千餘引合算每引

攤銀五兩七錢一分除淮北協貼外每引徵銀四兩九錢五分加以鹽價等項每引合銀十二兩二錢零成本未免過重今擬將折運欠課銀四十一萬五千餘兩停緩其外省活支緩帶等款尙可刪減二十八萬七千餘兩共減緩銀七十萬七千六百餘兩每引可減成本七錢八分零通計南鹽成本每引可省至四兩有零自出場到岸每斤約制錢三十文必可暢銷無疑若果暢銷則徑漸提前年清年鹽卽年清年款卽可將一百四十萬引全行復還課額自增奉

旨允行

互見淮南改票



謹按道光以後咸豐元年辛亥綱科則試行之初引地淪陷北嵯以鹽繳餉舊章並紊軍興以後試辦淮運報部正項皆以辛亥綱爲憑帑利等項雖經停徵而以釐補課足以相敵淮北亦復票法舊制合之五正兩釐溢於舊徵之數並詳見科則鹽釐減釐加課各篇其他徵於商者款目不一徵權捐輸兩門已有專篇此姑畧之云

兩淮鹽法志卷九十六

數在明 奇課下

兩淮鹽法志卷九十七

徵權門

竈課上

草蕩折價昉自前明之倉鹽其時商賈輸粟於邊官給草蕩與竈戶煎鹽屯之倉內以予商或遇災歉倉鹽不足始令竈戶每引納銀二錢還商謂之折價折價既行於是鹽倉日圯清其基地而徵之謂之倉基其濱海各場潮漲水落淤爲沙灘號曰沙蕩而水鄉竈戶不諳煎鹽者每引納工本銀三錢五分散給竈下號曰水鄉嗣後皆爲課額歲徵銀九萬餘兩然蕩地漲沒無常或陞

或豁因其勢而消息之其沿革可備攷也志竈課

順治十四年巡鹽御史白尙登題覆科臣粘本盛條奏場  
竈故籍宜清一款查前朝沿海草蕩分給竈戶燒鹽蕩  
皆有課丁皆有引歲煎交倉聽商支領至萬厯四十五  
年因鹽壅商困竈有逃亡始改徵折價六萬八千三百  
四十九兩責竈戶照引輸納我

朝仍照例徵納折價歲無逋欠是竈所授之蕩久有定賦  
非漏稅之地今議編入縣冊陞科旣納折價又納縣稅  
是兩徵也不便明矣戶部覆准草蕩折價節年徵解不  
便又入民賦毋庸再議

順治十六年巡鹽御史高爾位題准通州分司查出新漲沙蕩四百六十三頃六十四畝泰州分司查出新漲沙蕩一千三百六十頃三十九畝三分三釐四毫淮安分司查出新漲沙蕩七百三十一頃八十八畝一分一釐俱自十六年起其陞課二千七百八十一兩四錢一分五釐三毫三絲

康熙元年巡鹽御史胡文學奏徐濱臨洪興莊三場僻在海北徐濱一場旣已遷徙臨洪興莊未曾議徙商不敢違禁航海三場煎鹽鍋鏹俱供私鹽之用請將三場鍋鏹通行廢毀應輸折價量爲酌蠲或量派商人認納其

半則私販可絕海禁更密戶部以未經聲明遷於何地煎鹽陞課令再查議是歲十月巡鹽御史鄭名題覆徐瀆一場僻居海隅子遺無幾遷移之後散之四方莫可詰究從前逋課六千二百餘兩與見年額徵折價銀一千一百兩有奇自應隨例荷

恩蠲免至於臨洪興莊二場僻居海隅各商既不敢違禁擅渡勢必至私販越售實鹽政之大弊今各商公議懇移二場竈丁於板浦之曠地安插煎燒從前逋欠分作六年帶徵將每年額課一千五百六十二兩有奇各商代爲認納不致虛懸戶部議覆兩淮徐瀆場遷徙無徵併舊

欠之課俱應派各場徵解其臨洪興莊二場與海相近應如所議移於板浦場之曠地煎燒每年折價銀兩責令各商照數上納從前欠課應照例分作二年帶徵足額

康熙五年巡鹽御史黃敬璣奏呂四一場額課二千二百兩有奇其地一面瀕海一面臨江歷年以來蕩地衝坍大半又兼海水潮湧男婦淹沒僅存十餘丁責其納二千餘兩之課勢所不能今惟有令其勉力輸納一半所餘一半比照徐瀆廢場之例暫令二十六場均攤代納俟該場生聚將課歸復戶部覆准照行

互見恤餉

康熙九年巡鹽御史席特納奏莞瀆一場黃河衝決蕩地  
竈逃無人辦課徐瀆一場先因禁海遷革呂四一場被  
海波衝削蕩地大半所以徐瀆折價銀兩並呂四一半  
折價俱攤於二十六場代納查二十六場竈丁疊遭旱  
潦自辦尙且不足復歷年代人完納困苦實甚請將莞  
徐呂三場均攤錢糧停其代納照民人近海坍江事例  
概行蠲免戶部以徐呂二場攤派各場代納已經數載  
不便因莞瀆一場被災遂將二場攤徵盡免應將此二  
場仍照常徵收其莞瀆一場應徵七百二兩六錢三分  
零准其豁免俟水退地出之日照舊徵收

內豁免水鄉銀七十六兩



收

改崔明 置果仁

開復三年後起科

康熙十八年六月巡鹽御史郝浴題准臨洪興莊二場比照雲臺山一例開復三年後陞科起徵

康熙十九年巡鹽御史郝浴題准陞餘中板浦二場折價銀一千四兩一錢五分

康熙十九年巡鹽御史布哈題准興莊臨洪二場照現在丁池蕩地陞課興莊課銀二百四十一兩零臨洪課銀七百二十兩零其餘銀兩仍令各商照引代納俟竈復業仍令竈辦

康熙二十年巡鹽御史丹代咨部徐濱場照現在丁池陞

課銀三百七兩六錢零應將各場代納之課先爲扣除其餘銀兩仍令各場代納俟復業之日再行陞除又題准將原豁免莞濱場代徵徐濱場折價銀二兩三錢七釐一毫歸本場完納

康熙二十三年巡鹽御史張志棟題准將原豁免莞濱場代徵呂四場折價銀六兩四錢九分四釐六毫九忽徐濱場折價銀二錢九分六釐一毫歸各本場完納

康熙二十七年御史陶彝以倉鹽既經改徵折價通泰淮三十場鹽倉廢置基地尙存查出清丈題報陞課銀二十五兩九錢四分一釐五絲七忽六纖四沙刊入由單

## 名曰倉基

謹按宋史食貨志凡鹽之入置倉以受之通楚州各一泰州三南渡後淮浙亭戶官給本錢諸州置倉慶元條法事類載諸鹽倉厥版下以礬承溷不得別設水器此鹽倉所自始前明三十場無不有倉其建立遷徙之故尙約略可考如富安倉舊在泰州洪武時遷於本場天順四年又遷於新彝橋安豐倉在本場五團天順時遷於龍王廟河口梁垛倉在崇正橋南東臺倉在場東洪武初又立新倉在場北何垛南倉在場東洪武初又建北倉與舊倉相對丁谿倉在場

三才圖會

便倉三一在蒲北團一在范家口一在興莊皆成化十五年建徐瀆一倉外又有便倉四一在于公浦一在西團一在白現團一在大義團皆煎辦官鹽存倉以待商支自萬厯間改徵本色爲折價倉不存鹽於是盡廢諸鹽倉至是丈清基地陞科遂有倉基之課康熙三十年八月枰茶場蕩地被潮衝坍九百八十五頃三十六畝該徵折價銀一千五百一十七兩九錢三釐竈戶無力完納呈請援照徐瀆等場之例題請各場均攤運使劉德芳以濱海之區在在貧瘠定難更議加增致各場苦累惟思竈辦煎而商轉運商竈原屬相須今

救災恤患之誼諸商不能膜視諭據淮南眾商願代輸  
納詳明巡鹽御史常壽批准俟該場坍地涸出之日仍  
令竈完嗣於康熙四十九年七月復被潮衝坍蕩地一  
百九十一頃三十五畝三分該徵折價銀二百九十四  
兩七錢七分七毫運使李陳常議請仍如前例先後其  
坍蕩地一千一百七十六頃七十一畝三分共該徵折  
價銀一千八百一十二兩六錢七分三釐七毫淮南眾  
商一併代完以足竈額雍正元年又奉文加增飯食銀  
二十七兩一錢九分隨正課徵收

康熙四十三年織造巡鹽曹寅題准何垛場新漲沙地八

千七百三十九畝三分二釐一毫三絲應陞課銀七十  
四兩三錢二分三釐九毫五絲六忽六微二纖二沙六  
塵五渺三漠

康熙四十四年戶部覆准前巡鹽御史噶世圖題報廟灣  
場新淤沙蕩二十五頃七十三畝三分劉莊場新淤沙  
蕩五頃五十六畝七釐例應廟灣陞課十二兩八錢六  
分六釐五毫劉莊陞課二兩七錢七分三毫五絲

康熙四十五年織造巡鹽李煦題准餘中場新復蕩課銀  
一百七十兩零於各場原代攤課銀內扣除其餘未復  
課銀一百四十一兩零照舊攤派各場代徵將新復課



銀著令本場自四十四年起陞科輸納

康熙四十六年戶部覆准前織造巡鹽李煦題報餘西場  
新淤沙蕩七十三頃四十六畝零共陞課一百七兩四  
錢二分零

康熙四十七年戶部覆准織造巡鹽李煦前題新淤沙蕩  
伍祐場二十七頃三十畝零新興場一百頃七十一畝  
五分零廟灣場七百九十頃八十四畝七分零共陞課  
四百七十九兩五錢七分零

雍正元年十月江南總督查弼納題覆崇明縣屬擔沙地  
與通竈互爭一案先經蘇糧江鎮二道臨沙會勘崇明

縣於康熙二十六年卽辦賦地六十四頃五十八畝三分三釐二毫三十三年辦賦地二十頃八十三畝三分三釐三毫又四十四年盛土其叩

閭案內陞地三百八十七頃五十七畝五分八釐一毫共地四百七十二頃九十九畝二分四釐六毫細加復丈共丈出新舊沙地六百一十一頃八十四畝一分九釐九毫於內儘足崇明賦地四百七十二頃九十九畝二分四釐六毫外實丈出新漲沙並餘地共一百三十八頃八十四畝九分五釐三毫盡給通州餘中場竈戶嗣因通竈堅稱所分之沙有復課小沙在內爭執不已崇

民念爭訟不休願於賦田四百七十二頃零之內讓給地七十二頃九十九畝零以息爭端二共分給通竈沙地二百一十一頃八十四畝零立碑定界兩相輪服今讓給通竈地七十二頃九十九畝二分四釐六毫其應徵銀一百七十六兩八錢五分一毫七絲四忽二微八纖四沙五塵七埃七渺七漠四逡四巡應於雍正二年開除豁免於民至撥給通州竈戶沙地二百一十一頃八十四畝一分九釐九毫確查內有小沙一百一十七頃八十六畝七分七釐一毫七絲三忽先於康熙四十五年經前任鹽臣李煦題請將各場攤帶課銀復回本

場自納在案今係統丈在內應照數扣除實該復課沙地九十三頃九十七畝四分二釐七毫二絲七忽抵坍復額查該場原報坍缺各場攤帶銀一百四十一兩一錢二分三釐零今將前項沙地照由單則例該復課銀一百三十五兩五錢七分九釐零尙存攤帶銀五兩五錢四分三釐零無蕩可復一併扣回照引加增入額徵收部覆崇明沙地讓通七十二頃九十九畝零除減賦地課銀一百七十六兩八錢五分零而通州沙地雖稱起科銀一百三十五兩零抵以前坍地復額但此改通之沙地並非該州所漲豈可將額賦虧缺銀一百七十

六兩八錢五分零應行該督將前項改歸通州沙地行  
飭該州照崇明課銀增賦造入該年地丁奏銷冊內報  
部又經江南總督查弼納咨覆崇明讓給通州沙地委  
係通州竈戶執業卽爲場地未便於通州地丁內造報  
取有餘中場遵依統聽兩淮運司自雍正二年爲始造  
入鹽課冊內奏銷部覆如題

謹按此係餘中得地陞課並非抵坍復額其抵坍復  
額詳後雍正十一年乾隆二年兩條

雍正三年巡鹽御史噶爾泰題准陞復莞瀆場草蕩一千  
九十頃三十四畝三分八釐三毫七絲三忽四微五沙

內務府奏  
一塵六埃五渺二漠五透六巡應徵折價銀二百五十兩八錢四分一釐二毫三絲七微八纖七沙三塵五埃八渺八漠七巡又新漲沙蕩六百五十九頃九十七畝七分應徵沙蕩銀一百五十一兩八錢三分二釐三毫二絲六忽二微六纖八沙四塵三埃二漠五透七巡俱入雍正三年鹽課奏銷

雍正十一年八月江蘇巡撫喬世臣奏通崇互爭沙地委太通道查勘分別界限定議斷給如崇明之扁擔沙仍給與崇民四百頃通竈二百一十一頃八十四畝零之外又新漲九十八頃八十一畝五分零應斷歸通竈周

一恆等另行領抵鹽法衙門坍課部議覆准嗣於乾隆二年四月鹽政尹會一題准通州分司所屬餘中場原有坍缺課銀一百四十一兩一錢二分三釐四毫六絲八忽九纖二沙係各場攤派完納前因通州崇明互爭沙地經太通道勘分界限定議斷給題奉部覆將崇明新漲蕩地九十八頃八十一畝五分斷給通竈周一恆等領抵坍課每年陞課銀一百八十五兩九錢五分除將二十五場原帶餘中場坍缺課銀一百四十一兩零收回免攤外仍餘課銀四十四兩八錢二分六釐五毫三絲二忽九微八沙入於該場額徵賦內徵收請於雍

正十三年爲始起課通行二十六場將由單內原帶餘  
中課銀照數開除

乾隆元年六月管理鹽政尹會一題伍祐場竈戶陳元繪  
報陞淤蕩丈明蕩地八百五十一畝五分九釐九毫四  
絲八忽照依該場則例每畝徵銀五釐共應陞課銀四  
兩二錢五分七釐九毫九絲七忽四微自乾隆元年始  
乾隆元年六月鹽政尹會一等奏兩淮各場折價錢糧從  
前原係隨同鹽課按年奏銷自雍正六年戊申綱鹽課  
提出分年帶徵之後卽遞壓二綱如雍正十一年分折  
價於雍正十三年九月奏銷甲寅綱鹽課之時始行造



冊奏報是雍正十二年分折價應於乾隆元年九月隨同乙卯綱奏銷雍正十三年分折價應於乾隆二年九月隨同丙辰綱奏銷但乙卯綱鹽課已蒙

聖恩提出俟現在各商項帶徵完納之後分年起限自乾隆元年丙辰綱起按年行運展限至乾隆二年二月奏銷而雍正十二年分折價及從前逋欠業經臣查明未完銀數具題請

旨豁免在案是各場竈戶毋庸並完舊欠可以專力輸納新糧所有雍正十三年分折價應請於乾隆二年二月隨同丙辰綱鹽課奏銷

乾隆十二年十月鹽政吉慶呈據運使舒隆安詳稱兩淮  
通泰淮三分司所屬各場額徵折價錢糧七萬七兩二  
錢七分二釐六毫一忽三微二纖四沙三塵九渺八漠  
一遂每年於奏銷時造冊題咨在案茲因纂修鹽法志  
書所有額徵折價錢糧細數均須逐款編輯入志今逐  
一確核通州分司所屬金沙場額徵折價銀一千六百  
五十二兩五分四釐九毫六忽從前奏銷數內少報三  
絲今應增入三絲餘西場額徵折價銀一千二百四十  
八兩四錢三分九釐八毫一絲六忽從前奏銷數內多  
報一釐九毫九纖今應減去一釐九毫九纖餘中場額

徵折價銀一千一百四十兩三錢九分六釐三毫五忽  
三纖二沙五塵三埃七渺八漠四逡四巡從前奏銷數  
內多報三絲二渺七漠今應減去三絲二渺七漠餘東  
場額徵折價銀一千五百四十四兩八錢八分五釐五  
毫七絲從前奏銷數內少報八微二纖七沙今應增入  
八微二纖七沙泰州分司所屬何垛場額徵折價銀二  
千七百二十八兩四錢八分二釐二毫四絲九忽二微  
從前奏銷數內少報一纖今應增入一纖廟灣場額徵  
折價銀二千二百五兩三錢四分五釐二毫二絲三忽  
七微七纖三沙七塵九埃八渺四漠三逡從前奏銷數

二漠淮安分司所屬板浦場額徵折價銀三千一百七十六兩七錢九分三釐二毫五忽二微七纖二塵八埃四漠四邊五巡從前奏銷數內多報六渺三漠今應減去六渺三漠徐瀆場額徵折價銀三百六十四兩二錢五分六釐二毫從前奏銷數內少報三釐六毫今應增入三釐六毫臨洪場額徵折價銀一千六十五兩二錢四分三絲一忽八纖從前奏銷數內少報八纖今應增入八纖以合額徵之數以上金沙餘東何垛廟灣徐瀆臨洪六場共應增入奏數銀三釐六毫三絲九微一纖

七沙九塵四埃四渺二漠餘西餘中板浦三場共應減去奏數銀一釐九毫三絲九纖九渺以各場增減扯算實應增入奏數銀一釐七毫八微二纖七沙九塵三埃五渺二漠究其從前訛錯之由實因年久人湮無從根查今徹底清釐核正編輯入志則嗣後奏銷案內自應一體造報以昭畫一但尾數與上屆不符詳請先行咨明大部查核備案以便奏銷時遵照造報等情咨准部覆通泰淮三分司所屬各場額徵折價錢糧尾數該鹽政既經逐一確查編輯入志應令該鹽政照依查明改正之數按年造入奏銷冊內具題查核至尾數錯訛之

由該鹽政既經聲明實因年久人湮無從根查應無庸議

乾隆二十年正月鹽政吉慶奏泰屬各場賦蕩之外有泥淤沙積之區現長稀疏細草窮竈煎丁公共取樵名曰官灘無如經界不清不特竈與竈爭而民人貪利者更爭許不已查范公隄外盡屬竈蕩原無民賦總以淤沙無專主故致紛爭莫若逐一查丈除不毛之灘不計外其餘按新淤沙蕩例令竈戶計畝陞科則民竈之爭端不禁自息更查康熙元五等年徐濱場因禁海遷徙呂四場因瀕海臨江蕩地被衝各有缺課題明暫令二十

六場均攤代納俟蕩地涸出之日仍歸本場自納乃年  
復一年本場不能全復見在徐瀆尙有攤帶折價銀七  
百三十兩零呂四尙有攤帶折價銀二百八十一兩零  
最爲各場之累今泰分司所屬既有淤灘請卽將此新  
淤沙蕩分給各場積年帶納折價之竈戶執業陞出錢  
糧卽以抵徐瀆呂四缺課抵過有餘仍令照例陞科奉  
硃批此事交莊有恭聽其查議旋經江蘇巡撫莊有恭奏准部  
覆文明泰屬各場新淤長草沙蕩共八千六十一頃八  
十一畝零共應徵折價銀五千六百九十七兩四錢除  
畫抵攤帶徐瀆呂四二場缺課銀一千一十一兩六錢

又抵除攤帶各場水鄉銀一千七百五十三兩九錢尙  
應徵解陞課銀二千九百三十一兩零請於乾隆二十  
一年及戊寅辛巳兩年入額啟徵查徐呂二場缺課核  
與鹽法志載各場攤帶銀數相符應准其於新漲銀內  
撥抵其水鄉引課鹽法志開原因竈戶不諳煎鹽令其  
徵折課銀並無攤帶字樣今該撫所稱此項水鄉係於  
額蕩折價之外驗派帶徵但起於何年題明攤帶之處  
摺內並未聲明應令該撫會同兩江總督兩淮鹽政詳  
細查明再議尙應陞課銀二千九百三十一兩零亦照  
該撫所定起科年限行令該鹽政於乾隆二十一年及



戊寅辛巳兩年入額造報嗣於乾隆二十三年江蘇巡撫託庸等題准部覆通泰淮三屬各場攤帶水鄉引課銀兩鹽志內並未載有攤帶年分委係無從追溯但查通屬之石港等七場泰屬之富安等九場額徵銀兩並無蕩地分結誠與攤帶無殊惟丁谿小海劉莊新興淮屬之板浦中正臨興及歸併中正之莞瀆等場因從前水鄉銀兩無著將淤出餘蕩及私開鹽池影射附會權宜抵辦委非舊有水鄉池蕩請將丁谿等場水鄉銀兩統於新興廟灣二場新淤陞課銀內抵除查與以漲補坍之例相符應如所題將通泰淮所屬各場共額徵水

鄉銀一千七百五十三兩九錢准其於新興廟灣二場  
新淤陞課內抵除其各場見有抵辦蕩地應令逐一查  
明另造清冊送部照例陞課

乾隆二十年二月鹽政吉慶奏准北曬鹽甄池內有池老  
甄碎灘高海遠者勸令揭舊鋪新移遠就近或通潮空  
灘可以鋪池砌井力能自辦者不拘商竈照墾荒之例  
許其報明鋪建年來頗有試行產鹽稍盛查淮北甄池  
向係按甄計引按引陞課旣據商竈陸續報開已成未  
成甄池二千餘面白應逐爲清丈分別乘除見飭將成  
熟者循例陞課未熟者三年後再行起科分晰造冊報

部奉

旨允行嗣於二十三年七月戶部議覆鹽政高恆呈稱淮北曬  
鹽池面向係甄鋪按甄計引按引徵折其法以每甄三  
百片供鹽一引內有池老甄碎灘高海遠者則不產鹽  
名爲廢池厯許其揭舊鋪新移遠就近或通潮空灘可  
以鋪池砌井不拘商竈准照墾荒之例令其報明鋪建  
是爲新池今逐爲清丈分別乘除自應徹底查辦以溢  
抵廢抵過有餘再行陞課中正原係板浦分設有鹽池  
三百四十四面坐落板浦課輸中正未免牽混應請改  
歸板浦作溢入額陞科於中正額內扣除查板浦場除

原額外實溢鹽池五百三十二面應陞折價銀六百二十七兩九錢七分九釐四毫零徐濱場除原額外實溢鹽池六百十七面應陞折價銀八百七十九兩六錢七分七釐七毫又各商認鋪徐濱場已成新池四百二十八面應陞折價銀四百六十七兩三分三釐六毫中正場除原額外丈出溢池二百四十四面應陞折價銀一百五十九兩七分二釐八毫零現在中正額內已將坐落板浦鹽池三百四十四面改歸板浦作溢所有丈出溢池二百四十四面除抵補原額外實缺額池一百面缺課一百四十五兩四錢九釐八毫零應請照例除豁

臨興場除原額外實溢鹽池二百二十六面半應陞折價銀一百三十七兩九錢五分七毫零又各商認鋪已成新池一百十面應陞折價銀九十三兩一錢四釐二毫零又興莊場各商認鋪已成新池三十面應陞折價銀十八兩六錢三分六釐二毫零查各商竈認鋪新池均已產鹽並無未熟之池請自乾隆二十三年一律起科其中正缺額銀兩亦請於本年豁除核與冊造池面並應納折價數目相符應令該鹽政將板浦等場丈出鹽池應陞折價銀共二千二百二十四兩三錢八分一釐零自乾隆二十三年爲始按年徵收造入鹽課奏銷

冊內具題查核其中正場缺額課銀一百四十五兩四錢九釐零應准其於二十三年豁除

乾隆二十四年四月鹽政高恆呈准戶部議覆泰屬丁谿小海劉莊新興等四場共新陞從前抵辦水鄉蕩地一百五十三頃七十一畝五分五釐共應陞折價銀一百五十九兩三錢一分四釐零准屬板浦中正二場共新陞從前抵辦水鄉鹽池六面共陞折價銀五兩一錢四釐零二共應徵銀一百六十四兩四錢一分八釐零統於乾隆二十四年入額徵收造入該年鹽課奏銷冊內報部查核

丁谿場餘蕩三十五頃二十一畝八分陞銀四十五兩五分三釐一毫小海場餘蕩五十

乾隆二十四年五月戶部覆准江蘇巡撫陳宏謀等會題

數  
准  
明  
經  
課  
上

乾隆二十六年十二月戶部議覆江蘇巡撫陳宏謀等會  
題范公隄外乾隆十年以前舊墾熟地六千四百四頃  
五畝零內除伍祐一場全行放荒仍照本額報完折價  
外其餘熟地悉照梁垛場折價起科每畝徵銀二分五  
釐自乾隆二十七年爲始按年照數收徵造入奏銷冊  
內具題查核如遇潮漲滷侵不堪耕種之年仍准其報  
明委勘放荒除糧照本場科則完納折價儻嗣後敢有  
私墾者卽照例分別究處其丁谿等七場隄外夾雜民  
田旣經一概令其放荒仍照原糧完辦應毋庸議奉

旨依議欽此旋經御史查明富安安豐梁垛東臺何垛丁溪小



海草堰劉莊新興廟灣等十一場實計熟地六千三百九十一頃五十二畝六分六釐零除梁垛仍照原數徵收其餘各場除原額外實共加陞銀八千一百三十一兩二分四釐零取具各結冊詳送鹽政咨部

乾隆二十九年七月鹽政高恆奏淮南泰屬范公隄外熟地六千四百餘頃先經陞任撫臣陳宏謀等題准除伍祐一場全行放荒外餘自二十七年爲始照梁垛折價起科徵收各場俱照陞完納奏銷惟丁谿廟灣二場自開徵以後竈戶竟至完納不前推原其故因沮洳斥鹵之地耕種實係偶然淹漫乃其常事見在丁谿場惟附

隄之五百十二頃零廟灣場附隄之六百頃尙可耕種  
其餘三千六十三頃零原係隨熟隨荒或不堪復種或  
須二三年方可耕種一次此時若令一例陞課竈戶殊  
難完納實與潮漲涵浸情形無異請將加陞銀兩悉准  
減除仍照本場科則完納折價部議以丁谿廟灣二場  
隄外墾田業已成熟有年是以前據該撫等請照梁柴  
場折價起科何以不及一二載遂至不堪耕種應請

旨敕交該督撫會同該鹽政遴委賢員再行詳細確查具題旋  
於三十年五月兩江總督等會題丁谿廟灣二場地土  
涵瘠不能年年收穫或間一年或停歇二三年方可耕

敦窪明 蘆果上

九十兩二錢九分零查與各該場原額科則並減除加  
陞銀兩數目核算相符應准其自二十九年壓徵二十  
八年爲始永遠減除仍照本場科則完納折價並行令  
該鹽政造入鹽課奏銷冊內聲明扣除報部查核儻減  
課之後再行私墾竈戶照例治罪場員一併議處至所  
稱查丈熟地較二場原報共多出地二百二十二頃五  
十七畝零該鹽政將二十七年以後應徵課銀查明按  
數追繳仍造冊送部查核奉

旨依議欽此旋經運司查明丁谿場復丈出熟地一百二頃四  
十五畝六分七釐零應加陞銀一百二十五兩七分二

釐零廟灣場復丈出熟地一百二十頃十二畝應加陞  
銀一百六十一兩九錢三分七釐零造具冊結詳送鹽  
政咨部入額

乾隆三十年閏二月戶部題覆鹽政高恆咨呈通州分司  
所屬豐利場第三十總蕩地四十八頃六十九畝五分  
三釐零應徵折價銀六十四兩二錢零緣當黃沙洋海  
口之衝久被坍沒復漲無期更無未陞蕩地堪以抵補  
窮竈空賠虛糧咨請豁免以甦竈困核與鹽法志載科  
則並

恩詔內開坍沒田地人戶逃亡豁免虛糧之例相符所有前項

應徵折價銀六十四兩二錢零應准其照數豁免仍於  
奏銷冊內聲明扣除報部查核奉

旨依議欽此

乾隆三十年十二月兩江總督尹繼善等會題鹽城縣范  
公隄外民竈分樵草灘蕩地各七百五十六頃前請概  
免陞科接准部覆令照例納課行據江甯布政使永泰  
兩淮鹽運使趙之璧等會詳民竈分樵地內有閘座溝  
港低窪積水不毛等項廢地查丈民樵地內共有廢地  
三百一十八頃一十畝應陞科地四百三十七頃九十  
畝竈樵地內伍祐場廢地二百四十五頃應陞科地三

百二十二頃新興場廢地五十四頃應陞科地一百三十五頃此項灘地從前原係無業貧戶公樵勢難攤派劃分據士民竈丁等呈請攤入通縣糧田並鹽場折價項下帶納仍聽無業各戶公樵計民樵應陞科地四百三十七頃九十畝照鹽城縣牧馬草場科則攤於民田項下帶納共攤陞銀二百七十兩三錢四分零竈樵地內伍祐場應陞科地三百二十二頃照該場新淤科則攤於折價項下帶納共攤陞銀一百六十一兩新興場應陞科地一百三十五頃照該場新淤科則攤於折價項下帶納共攤陞銀九十四兩四錢九分九釐零其應

陞銀兩請於乾隆三十年奏銷冊內造報入額起科部  
議查先據陞任巡撫莊有恭奏稱鹽城縣范公隄外淤  
出草蕩從前民竈公樵爭訟不止酌議於緊附縣城之  
處計地七百五十六頃給民樵牧另於伍祐新興二場  
內撥給竈樵地七百五十六頃請免陞課經臣部行令  
會同兩江總督兩淮鹽政詳酌妥議具奏嗣據該督等  
先後具題以民竈分樵之地各分段落彼此不相干涉  
自可永杜爭端但范公隄外草灘向聽無業民竈公樵  
若照各屬蕩地一例起科轉須樵採之人執業完辦人  
戶眾多難以分派應請仍照原題概免陞課又經臣部



議以民竈公樵蕩地從前未經清丈自難分派入賦今  
既逐一丈清民竈各分段落各執已業何難各按界址  
照例納課應仍令該督將作何起科並如何完課之處  
詳悉妥議具題今據該督等疏請攤入通縣糧田並鹽  
場折價項下帶納仍聽無業各戶公樵既於賦稅無虧  
又於貧民有濟應如所請辦理奉

旨依議欽此

乾隆三十五年二月戶部覆准鹽政尤拔世等題通州分  
司所屬之西亭場泰州分司所屬之小海場先經奏准  
裁汰將西亭歸併金沙場小海歸併丁谿場管轄今據

冊報西亭場額徵折價等銀八百八兩四錢三分七釐  
歸入金沙場一併徵解小海場額徵折價等銀二千二  
百七十兩二錢八分六釐歸入丁谿場一併徵解卽自  
乾隆三十四年壓徵三十三年折價爲始於奏銷時列  
入各場歸併場內造報每年由單各照蕩地科則統刊  
分列以昭區別又西亭場額徵耗規銀八十一兩三錢  
四分四釐併入金沙場批解小海場額徵耗規銀二百  
三十二兩三錢四分八釐併入丁谿場批解西亭小海  
二場大使俸薪各四十兩裁歸缺官經費項內彙解養  
廉各四百兩應請照餘中歸併餘西白駒歸併草堰之

例金沙丁谿二場各增給養廉銀一百兩卽於裁存銀內動支其餘銀六百兩裁汰歸公統存耗規項內造報均屬與例相符應如該鹽政等所題辦理

乾隆四十六年五月戶部議覆兩江總督薩載等會奏安東阜甯海州三州縣坐落馬港河堤東田地遇有河水盛漲不能保無漫溢欽遵

恩旨將應徵錢糧查明豁免內海州分司所屬中正場歸併之莞瀆場竈地四百八十二頃六十畝九分二釐應豁折價銀一百一十一兩二分七釐六毫零應准其從乾隆四十五年爲始照數豁除於奏銷案內分晰造報所豁

地畝應聽原戶執業以收自然之利嗣後如有續漲灘地飭令地方官隨時勘明入官毋許侵占奉

旨依議欽此

嘉慶二十三年六月兩江總督孫玉庭等會奏嘉慶十九年欽奉

諭旨查辦河海淤增地畝經前督臣百齡飭據海州安東阜甯三州縣並各委員會同查丈核明應行復賦陞科召變頃畝銀數酌議章程具奏議將海州安東阜甯三州縣其復賦地五千五百十八頃四十一畝零復賦銀三千一百五十二兩零新淤陞科並海州藩弓丈申陞科地

共一萬九千三百二十三頃七十九畝零應陞課銀七千五百五十四兩零歸入地丁錢糧內解司湊撥每年河餉經大學士董誥等遵

旨會議復奏奉

旨依議欽此嗣據海州知州師亮采以海州莞瀆鎮附竈五莊馬港河隄東藩弓丈申地畝應陞課銀已於新淤案內咨部覆准歸入地丁奏銷案內造報應由海州徵解其原額地畝查明完糧業戶有原業之地因有丈申之地該地犬牙相錯五莊千有餘戶內有界址不清民竈互訟而地分州場無由釐剔且該地已開墾售買多半民

人承業該鎮士民楊義興等額請將原額地畝一律歸州完賦該州體察輿情較爲簡便請將該地原額應徵折價蘆課灘租等欸錢糧統於嘉慶二十二年一律歸州徵輸仍分別批解藩解河庫歸各本案造報奏銷由司詳各戶部復准飭遵在案旋據海州分司運判章復文詳據中正場大使張開元詳稱遵查淮北各場均隸海州自康熙元年徐瀆場裁廢將應徵折價銀兩歸通泰海三屬二十六場攤納並未攤入海州地丁項下康熙七年莞瀆場被河水沖沒丁竈逃亡各場不能再爲攤納經前鹽政席特納奏請豁免迨後次第涸復竈丁

陸續招徠於雍正三年復課續因徐瀆一場歸併板浦其臨洪興莊二場合改臨興一場惟莞瀆一場無所附隸割板浦之中正四疇設立中正場管理莞瀆折價是中正本係無地之場專爲莞瀆竈地而設若謂竈丁不應力田乾隆二十六年前江蘇巡撫陳宏謀奏明兩淮各場古熟田畝六千數百餘頃循照梁垛場科則各赴本場完納又淮北三場專以曬埽爲業耕種應聽竈便載入鹽法志上年奉

旨查辦新淤一案改歸有司徵解各竈尙未知悉將來不免紛紛瀆控且中正場折價銀兩莞瀆五莊離州城數十里

離場署數十里歷任場員因各該丁納課不便就近於  
莞瀆場舊址設櫃徵收相安年久今將莞瀆五莊場地  
歸於海州徵輸殊於定制有違詳經藩運兩司札委候  
補通判馬惠候補運判張若鎔會同前往確查妥議稟  
辦去後茲據該員等稟稱檢閱鹽志竈地例禁民買其  
私相授受者應作活契斷贖不得謂爲民業其淮北各  
場改煎爲曬見雖無需養草供煎可以聽其耕種然鋪  
池曬埽海濱之圯漲靡常設遇灘高海遠卽須揭舊鋪  
新若准民人承業歸州管轄將來鹽池不能移鋪大於  
產鹽有礙且丈陞地畝卽由原額而出祇能於原額照



申加賦該五莊旣在竈賦之內久隸該場徵納百有餘  
年未便遽更舊章所有該處地畝錢糧應請仍歸中正  
場以符舊制等情由藩運兩司會議詳請具奏前來臣  
復查竈地例禁民買是以竈課不便編入民賦海州莞  
濱鎮附竈五莊藩弓丈申地畝係由原額竈地而出本  
非新淤可比前督臣因係同一陞科之項是以奏請歸  
入地丁項下徵解嗣又以丈申地畝旣歸地丁則原額  
州地難以區分亦經咨請一律歸州徵收均未計及竈  
地歸州有乖舊制也今據場委各員查明中正場本爲  
該處竈丁而設其原額竈地久隸該場經納百有餘年

若改歸海州徵糧不惟將來有礙產鹽必致中正一場  
又須裁費種種格礙既據藩運兩司詳請更正自未便  
因先經奏咨在案稍事拘執應請將海州所屬莞瀆鎮  
附竈五莊原額竈地折價又丈申之地應徵折價及馬  
港河隄東應徵蘆課折價等銀仍行改歸中正場徵收  
分別解繳藩運二庫各歸本案造報奏銷

道光二年八月戶部議覆兩淮鹽政曾煥奏新興等場新  
淤沙蕩報陞課銀一摺臣部查兩淮鹽法志載兩淮場  
竈蕩地於乾隆二十年經前任江蘇巡撫莊有恭條奏  
泰州分司所屬草堰各場丈出新淤地畝內有場商價

置埤鑿自行招丁辦煎卽與竈籍無殊所有新淤蕩地應請無論爲商爲竈俱按現在煎辦埤鑿均勻酌配筭業等因經臣部議覆准行在案今據該鹽政奏稱勘得泰州分司所屬之伍祐場漲出新淤蕩地九百五十頃九十四畝六分八釐該場均係竈埤應按現煎埤鑿勻派領陞照該場新淤沙蕩科則每畝徵銀五釐計每年應陞課銀四百七十五兩四錢七分三釐四毫又新興場新淤蕩地一千三百三十五頃三十畝七分三釐四毫又老蕩光灘內漲出實地十頃五十二畝三釐四毫零除此項老蕩報陞地畝仍歸原戶領陞外其新淤之

地該場商埠居多應照例無論商竈俱按現煎埠餉均歸領陞照該場新淤沙地科則每畝徵銀六釐九毫九絲九忽九微三纖每年應陞課銀九百四十二兩七分三釐四毫零以上二場每年共應陞課銀一千四百十七兩四錢九分六釐零應請入於次年額賦起徵造報等語查各場新淤蕩地自應隨時勘丈報陞以裕賦課今該鹽政報陞新興伍祐二場蕩地共二千二百九十六頃七十七畝九分四釐六毫按照各該場科則其陞課銀一千四百十七兩四錢九分六釐零並請將新興一場新淤蕩地無論商竈均派領陞臣部核與各該場

科則及乾隆年間臣部奏准原案相符應令該鹽政卽以道光三年爲始按額起徵造報查核至所稱伍祐一場本屬亭多蕩少向須買草添補得此新淤足供煎辦毋庸添置亭鑊其新興一場原額老蕩地居高阜以致草稀鹵薄額產有缺應准商竈於新淤蕩內擇地報明移煎以足歲額如有多餘再行酌添亭鑊察看試煎一節臣等查蕩地旣多煎鹽較旺自應酌添鹽鑊添辦引鹽以杜竈戶私煎之弊應令該鹽政隨時察看情形據實查辦並轉飭各該場員嚴密稽查如竈戶人等因蕩草日多私自置鑊煎鹽卽行從嚴究治以清弊竇奉

旨依議欽此

道光三年七月戶部議覆鹽政曾燠呈稱兩淮餘東場餘地陞課案內奉部咨此案陞科地二十一頃七十四畝五分六釐零場員詳內每畝徵銀一分二釐三毫運司詳內則稱每畝徵銀一分三釐數目互異應令查明聲覆等因查司中查辦引課錢糧久奉部行以釐爲斷餘東場應陞餘地場詳係照竈地科則司中係按照以釐爲斷之例包捲零尾覆核呈請每畝徵銀一分三釐本部查若如該鹽政所呈以釐爲斷每畝作一分三釐核算每年共應徵銀二十八兩二錢六分九釐零如以該

場科則一分二釐三毫核算每年祇應徵銀二十六兩七錢四分八釐數目不同究應以何爲准應令查明別場陞科餘地課銀是否均係以釐爲斷並不照本場科則零尾數目核算四年鹽政曾煥覆呈查前經詳陞草堰伍祐二場科則均係以釐爲斷惟新興場請陞科則係按該場科則尾數請陞並未聲請包捲零尾亦非以毫爲斷茲餘東場應陞餘地課銀自應包捲零尾以釐爲斷未便以毫爲斷致滋歧異請將餘東場應陞餘地每畝實徵銀一分三釐每年應陞銀二十八兩二錢六分九釐自嘉慶十六年起按年補徵批解歸入道光三

內河鹽法志卷之二十一  
年壓徵二年折價奏銷案內一併造報經部覆准

道光五年三月鹽政曾燠奏竊照兩淮各場蕩地例歸場  
竈蓄草供煎按畝徵完折價批解運庫隨同鹽課奏銷  
凡有新淤蕩地堪以長草供煎者隨時勘明陞科按照  
見煎亭鋤勻派領陞其原額老蕩遇有淤高全無涵氣  
不能供煎者勘明改作熟田加完課則歷經循照辦理  
在案今據兩淮鹽運使楊本昌詳稱泰州分司所屬富  
安安豐何垛丁谿及小海併場均有續漲新淤經前司  
派委富安場大使高燦分別勘明除水窪車路並不毛  
光灘剔除不計外富安場丈出長草應陞地一百五十



一頃九十六畝七分五釐安豐場丈出長草應陞地三百五頃六畝九分六釐何垛場丈出長草應陞地二百五十六頃六十二畝六分丁谿場丈出長草應陞地一百三十六頃三十五畝五分小海併場丈出長草應陞地六百五十八頃八十一畝三分八釐共計應陞淤地一千五百九頃四十五畝八分五釐又泰州分司所屬新興場淤沙外漲上年已經勘丈奏陞其原額蕩地內有全無涵氣者不能蓄草供煎經前陞司飭委候補大使武文斌查看屬實據該分司何道範署大使曹良牧文明計應改田老蕩二百二十頃七十六畝七分八釐

應請照例准令本丁開墾加陞所有各地畝應陞折價  
錢糧按照各場則例富安場每畝應徵九釐三毫二忽  
三微安豐場每畝應徵六釐六毫六絲六忽七微何埭  
場每畝應徵八釐五毫三忽四微丁谿場每畝應徵一  
分五釐八毫一絲三微小海併場每畝應徵九釐四毫  
一絲一忽八微新興場加則田畝按照梁埭場改田之  
例每畝徵銀二分五釐除原額六釐九毫九絲九忽九  
微三纖外每畝應加完銀一分八釐七纖通其每年應  
陞課銀一千七百九十五兩九錢三分二釐卽自道光  
五年起科仍照例入於道光六年壓徵五年分折價內

一併入額徵收造報其淤出地畝富安安豐丁谿小海  
四場查照成例按見煎亭鑷無論商竈均勻派給領陞  
至何垛一場見據該分司大使查明淤地僻在一隅惟  
附近煎亭六百九十四面情願領陞其餘寫遠各亭均  
具結不願派領亦請俯如所議以順輿情又新興改田  
之地本有原戶仍令隨亭轉移毋許分晰等情詳請具  
奏前來臣伏查富安等場丈出新淤自應照例陞科新  
興老蕩旣已淤高不能蓄草未便廢置亦應准其加則  
改田以杜私煎私墾之弊除飭取起科頃畝銀數清冊  
另行咨送戶部外謹會同督撫臣合詞具陳奉

旨戶部議奏欽此

謹按是年四月十六日戶部覆奏以原奏總散數目  
不符令該鹽政查明報部更正又以草蕩與沙蕩不  
同丈出新淤既據勘明係長草之地自應統按草蕩  
科則起徵何以所報課銀內又有照沙蕩及新墾沙  
蕩之例者覈算總數每年短徵銀二百九十兩零應  
令確查咨覆六年二月鹽政曾煥呈覆引乾隆二十  
一年江蘇巡撫莊有恭奏案謂續報淤蕩均照沙蕩  
起科其畝數則以戶部所計一千五百八頃八十三  
畝一分九釐爲是三月戶部咨令錄送莊有恭奏案

核辦其原奏總數一千五百九頃四十五畝八分五釐之誤卽由部更正

道光六年六月鹽政曾燠奏竊照兩淮各場蕩地例歸場  
竈蓄草供煎按畝徵完折價錢糧批解運庫隨同鹽課  
奏銷凡有新淤地畝堪以長草供煎者隨時勘明按照  
見煎亭鍬勻派給領陞科厯經循照辦理在案今據兩  
淮鹽運使楊本昌詳稱通州分司所屬金沙西亭餘西  
餘中石港馬塘正併各場漲出新淤經前運司張青選  
飭委候補運判柴兆炳候補批驗所大使葛方履會同  
通州分司運判方浦前往勘丈茲據該委員等逐場勘

明剔除溝渠道路不毛光沙外實丈出金沙正場應陞  
新淤地四百二頃三分四釐西亭併場應陞新淤地畝  
九十八頃八十九畝八分五釐餘西正場應陞新淤地  
六百三十七頃五十七畝六分三釐餘中併場應陞新  
淤地一百六十七頃四十畝六分一釐石港正場應陞  
新淤地五百五十頃三十畝三分七釐馬塘併場應陞  
新淤地一百六十八頃三十七畝六釐以上金沙西亭  
餘西餘中石港馬塘正併各場共丈出應陞新淤地二  
千二十四頃五十五畝八分六釐按照各場續增沙蕩  
科則金沙正場每畝應徵銀一分四釐八毫七絲七忽

六微九纖九沙二塵五埃九渺二漠六逡西亭併場每  
畝應徵銀一分九釐五毫九絲二忽六纖八沙六埃二  
渺八逡四巡餘西正場每畝應徵銀一分四釐六毫二  
絲一忽四微七纖六沙八塵八毫一漠七逡九巡餘中  
併場每畝應徵銀一分八釐八毫一絲七忽四微七纖  
四沙三塵四埃八渺五漠四逡六巡石港正場每畝應  
徵銀一分四釐六忽九微九纖九沙三塵九埃五渺五  
巡馬塘併場每畝應徵銀一分六釐一毫七絲四微四  
纖三沙二塵二埃三渺九漠五逡八巡通計每年共應  
陞課銀三千八十二兩七錢七分二釐援照成例按見

煎亭鑛勻派領陞卽自道光六年起科入於道光七年  
壓徵六年分折價欸內徵收造報等情詳請具奏前來  
臣伏查金沙西亭餘西餘中石港馬塘正併各場新淤  
蕩地業經勘文明確應卽照例陞科派領以裕額產而  
杜隱占私煎等弊除飭取起科頃畝銀數清冊另行咨  
送戶部外謹會同督撫臣合詞具陳旋經戶部議覆查  
定例內開兩淮金沙餘西石港三場新淤沙蕩每畝徵  
銀一分四釐零西亭併場每畝徵銀一分九釐零餘中  
併場每畝徵銀一分八釐零馬塘併場每畝徵銀一分  
六釐零等因茲據該鹽政奏稱金沙西亭餘西餘中石



港馬塘正併各場共丈出新淤蕩地二千二十四頃五十五畝八分六釐按照金沙正場每畝應徵銀一分四釐零西亭併場每畝應徵銀一分九釐零餘西正場每畝應徵銀一分四釐零餘中併場每畝應徵銀一分八釐零石港正場每畝應徵銀一分四釐零馬塘併場每畝應徵銀一分六釐零通計每年共應陞課銀三千八百七十二兩一錢七分二釐援照成例按見煎亭繳勻派領陞卽自道光六年起科徵收造報等語臣部按照金沙等場新淤蕩地科則每畝應陞銀數逐細覈算均屬相符自應准其循例報陞仍按見煎亭繳均勻派給承領

一律起科以裕賦額仍令該鹽政將各該場每年共應  
陞課銀三千八十二兩一錢七分二釐卽自道光七年  
壓徵六年折價爲始入額徵收造入折價奏銷冊內具  
題查覈奉

旨依議欽此

道光十八年九月兩江總督陶澍奏稱泰州分司所屬伍  
祐新興二場前於道光二年新淤陞科案內均有剔除  
光灘水窪平路地畝迄今已閱多年經委員查勘伍祐  
一場前陞原剔光灘等地及續丈新淤見在剔除車路  
港窪外實丈出長草應陞地八百三十一頃十九畝九

分二釐又道光二年陞科撥歸

文廟剔除不毛地內丈出邊港實陞地二十頃二共八百五十一頃十九畝九分二釐除廟蕩丈出地畝應請循照成案歸廟領陞納課草仍售竈樵煎外其新淤之地均係竈丁應按見煎亭陂勻派領陞照該場新淤沙蕩科則每畝徵銀五釐每年應陞課銀四百二十五兩六錢又據查勘新興一場前陞原剔水窪等地及續漲新淤見在剔除水窪光灘外實丈出長草應陞地五百八十頃十六畝一分二釐又丈出上岡

文廟廟灘實陞地二十四頃十九畝二分又舊場上真觀

廟灘實陞地十四頃七十二畝五分四釐三共六百十九頃七畝八分六釐除丈出廟灘蕩地應歸各廟認陞納課草仍售竈樵煎外該場商亭居多其新淤之地應照例無論商竈俱按見業亭繳勻派領陞照該場新淤沙蕩科則每畝徵銀六釐九毫九絲九忽九微三纖每年應陞課銀四百三十三兩三錢五分一釐通計伍祐新興二場丈出新淤沙蕩每年共應陞課銀八百五十八兩九錢五分一釐詳請照例奏陞俟奉准部覆入於次年額賦啟徵造報臣查伍祐新興二場道光二年奏陞案內曾經聲明伍祐一場本屬亭多蕩少向須買草

添補得此新淤足供樵煎毋庸添置亭鍬其新興一場  
原額老蕩地居高阜以致草稀溷薄額產有缺應准商  
竈於新添蕩內擇地報明移煎以足歲額如有多餘再  
行酌添亭鍬察看試煎奉部覆准在案此次丈出淤地  
應請循照道光二年成案辦理毋庸添置亭鍬如果將  
來草豐溷厚再請酌添察看試煎旋經戶部議覆查兩  
淮各場蕩地例係長草供煎隨同亭鍬按照頃畝派給  
由場員徵納折價批解運庫按年奏銷其有新淤沙蕩  
地畝勘明給領照例陞科道光二年六年迭經前任兩  
淮鹽政曾燠將泰州分司所屬伍祐新興二場及通州

分司所屬金沙等場新淤蕩地奏准按畝陞科各在案  
今據該督奏稱泰州分司所屬伍祐一場丈出地八百  
五十一頃十九畝九分二釐應按見煎亭繳勻派領陞  
照該場新淤沙蕩科則每畝徵銀五釐應陞課銀四百  
二十五兩六錢又新興一場丈出地六百十九頃七畝  
八分六釐該場商亭居多其新淤之地應照例無論商  
竈俱按見在亭繳勻派領陞照該場新淤沙蕩科則每  
畝徵銀六釐九毫九絲九忽九微三纖每年應陞課銀  
四百三十三兩三錢五分一釐通計伍祐新興二場丈  
出新淤沙蕩每年共應陞課銀八百五十八兩九錢五

分一釐入於次年額賦啟徵造報等語查例載兩淮伍  
祐場蕩地每畝徵銀五釐新興場新陞沙蕩地每畝徵  
銀六釐有奇今該督以伍祐新興二場新淤蕩地一千  
四百七十餘頃共應陞課銀八百五十八兩九錢五分  
一釐臣等查各場新淤蕩地自應隨時勘明照例陞科  
以裕課賦今前項蕩地既據該督勘丈明確且核與該  
二場例定科則每畝應徵銀數及道光二年六年奏准  
各案均屬相符應准其自道光十九年壓徵十八年折  
價爲始按額啟徵造入折價奏銷案內具題查核至所  
稱伍祐一場本屬亭多蕩少得此新淤足供樵煎毋庸

添置亭鍤其新興一場原額老蕩地居高阜以致草稀  
涵薄於新添蕩內擇地移煎一節查蕩地既多煎鹽較  
旺自應酌增鹽鍤添辦引鹽庶免竈戶私煎盜賣等弊  
見在該二場既據查明草稀蕩少自可毋庸增添應仍  
令該督隨時察看情形如果草豐涵厚卽行添置亭鍤  
酌量試煎並轉飭各場員嚴密稽查倘竈戶人等因蕩  
草日多私自置鍤煎鹽卽從嚴究治以清場竈而杜弊  
端奉

旨依議欽此

道光二十七年四月署兩江總督陸建瀛奏竊照兩淮各



場蕩地例係蓄草供煎按畝徵完折價錢糧批解運庫  
隨同鹽課奏銷凡有新淤沙蕩堪以長草供煎者隨時  
勘明按照見煎亭陂勻派給領陞科厯經循照辦理在  
案今據鹽運使但明倫詳稱前因通州分司所屬金沙  
併場西亭沙蕩以下馬路以上有續漲新淤蕩地卽經  
札委試用通判何漱六等前往會同署通州知州范仕  
義通州分司運判趙祖玉督場查勘據該委員等勘得  
金沙併場西亭沙蕩以下馬路以上續漲新淤剔除溝  
渠道路不毛等地外實丈出長草應陞地一百四十一  
頃五十畝六分三釐請查照該併場新漲沙蕩科則每

畝徵銀一分九釐五毫九絲二忽零每年應陞課銀二百七十七兩二錢四分所有丈出地畝應請派給該併場十八總有亭竈戶領業完課其應徵課銀請於道光二十六年啟徵歸入道光二十七年壓徵二十六年分舊額折價欸內一併入額徵收造報奏銷等情詳請奏報前來臣查該金沙併場西亭沙蕩以下馬路以上續漲淤地見經查勘明確應卽照例陞科旋經戶部議覆查兩淮引課於次年二月奏銷竈課於又次年二月奏銷其有新淤沙蕩堪以蓄草供煎者隨時勘報計畝陞課歷經辦理在案茲據該署督奏稱金沙原併西亭場

續丈新淤實丈出長草應陞地一百四十一頃五十畝  
六分三釐每畝徵銀一分九釐五毫九絲二忽零每年  
應陞課銀二百七十七兩二錢四分丈出地畝派給該  
場有亭竈戶領業完課應徵課銀請於道光二十六年  
啟徵歸入二十七年造報等語查前項蕩地一百四十  
一頃五十畝零既係新淤長草堪以供煎應准其按有  
亭竈戶勻領執業以昭公允至每畝徵銀一分九釐五  
毫九絲二忽零核與西亭場沙蕩徵銀科則亦復相符  
應令於道光二十七年徵收二十六年折價爲始入額  
啟徵並將應徵銀二百七十七兩二錢四分統行造入

折價奏銷冊內具題查核奉

旨依議欽此

咸豐元年閏八月鹽政陸建瀛奏竊照兩淮各場蕩地例應按畝徵解折價錢糧隨同鹽課奏銷凡有新淤沙蕩堪以長草供煎者隨時勘明按照見煎亭數繳數勻派給領陞科厯經循照辦理前因通州分司所屬餘東場范公隄外界溝以北新漲灘地有該場竈戶王載陽等糾眾越界割草毆傷煎丁經臣提省審明定擬具奏聲明此項灘地另行委員勘丈陞科在案茲據兩淮運司劉良駒詳稱飭委候補知事趙暄前往會同通州分司

運判梁寶森督同場員勘得餘東場隄外溝北新漲灘地實丈出長草應陞地一百三頃十五畝三分四釐查照該場沙蕩科則每畝徵銀一分一釐五毫四絲四忽零每年應陞課銀一百十九兩八分八釐此外詳細查勘實係溝渠道路水窪不毛之地應行剔除並無隱混所有丈出地畝應請照例派給該場見在辦煎之商管業完課從咸豐元年起徵歸入咸豐二年壓徵元年分舊額折價欸內一併入額造報等情臣查餘東場范公隄外界溝以北新漲灘地既經勘丈明確應卽照例陞科俟奉准部覆取造頃畝銀數清冊詳咨經部議覆臣

等查餘東場隄外新淤旣據該督丈出長草蕩地自應  
准其派給見辦煎鹽之商管業卽於咸豐元年一律陞  
科以裕賦課惟各場徵收折價例定科則草蕩與沙蕩  
不同見在丈出新淤旣係長草之地應照草蕩科則起  
徵因何援照沙蕩科則定課雖此次應徵銀數出入無  
多第恐一經核准嗣後陞科漫無區別應令該督確查  
咨覆仍將應陞銀數另行核明造冊報部再草蕩旣多  
煎鹽較旺其應如何酌增亭鉞添辦引鹽以防私煎私  
售之處並令該督察看情形據實登覆以收利益而杜  
弊端嗣於二年鹽政陸建瀛覆咨據兩淮運司劉良駒

詳稱查餘東場見陞隄外溝北長草淤地一百三頃十五畝三分四釐既據該分司遵奉大部指飭請照草蕩科則陞課應請卽照該場草蕩科則每畝徵銀一分三釐起徵計每年應陞課銀一百三十四兩九分九釐仍從咸豐元年起徵歸入咸豐二年壓徵元年分舊額折價內一併入額徵收造報至奉部行查草蕩旣多煎鹽較旺應如何酌增亭鉞一節見據該分司查明該場亭多蕩少草不敷煎向須買草煎燒今得此草薪適供煎辦係屬實在情形本司覆加體察亦應俯如所請毋庸添置亭鉞仍責成該分司隨時嚴密稽查以防私煎私

售並造具核實起科銀數簡明清冊另詳請咨相應咨覆經部覆准

同治三年六月海分司沈炳稟淮北各場應徵折價絲毫未究查前陞司喬松年札飭遵照奏銷二十九萬六千九百八十二引每引攤徵折價銀三分四釐五毫六絲四忽由販於鹽價內扣繳各垣商至今均未照辦卑職屢經飭場籌議已據稟復遵照惟太平中富垣商許德裕王同豐等稟請餘鹽免徵伏查折價係屬報部正供本年新章以前垣鹽已運半綱卽應繳半綱之折價若謂麥熟後啟徵池產非地畝可比鹽已運出價無可扣



五一

更屬輕而易舉一俟臨海青口兩局運行暢旺將應徵帶徵全完再行分別辦理見當新章伊始應請嚴飭卑局督場將本年所完折價按引追繳徵收如敢違抗卽將倡議垣商解轅究辦以爲玩視折價者戒經鹽政曾國藩批查淮北垣商應完鹽池蕩地折價係屬正項錢糧前因運道梗阻歷年緩徵尙屬情有可原見在淮河暢通北漕已改新章所有折價錢糧豈容再行緩宕仰卽嚴督各場趕緊徵完務須運一引鹽收一引折價斷不准以餘鹽藉詞希冀免納如有奸商違抗阻撓卽行提解究辦

光緒三年十二月鹽政沈葆楨示照得淮北中正場莞瀆五莊附竈地畝應完竈課科則極輕自應按則清完乃該糧戶等積習相延歷年請緩坐享膏腴之產幾忘輸納之糧以致地方官民嘖有煩言稟請將該竈地改隸地方本部堂念爾等服先人田疇共安耕耨已二百餘年一旦舍輕課而完重則竈力恐有未逮未允所請惟竈情固宜體卹而正賦難任抗延疊飭場員實力催徵茲據中正場大使周楨稟報已將光緒二年壓徵元年分莞瀆五莊竈課掃數徵齊足見該竈戶具有天良不忘食毛踐土之義既喜輸將於今日復慮違抗於將來

嗣後與該竈戶約法三章凡遇中稔之年遵照後開條例徵完一年之賦或豐或歉另由場員核例稟辦合特頒示曉諭勒石永遵俾昭信守

一莞瀆五莊竈地科則極輕嗣後每年麥熟後將應徵一年之賦在三岔口鎮設櫃啟徵以省竈戶舟車之費限九月內掃數全完如屆限未清先行撤櫃一面將抗完之戶提案比追仍展限一月准其赴場完納儻再違延卽由場員指名通稟聽候治罪以重正課

一莞瀆五莊竈地與海州民田犬牙相錯將來設遇水旱災歉准援民田之例辦理以杜捏報其歷年積欠之

欵仍循成案分別遞緩以舒竈力

一該場坐落海州境內每年徵收竈課應照海州所徵錢糧以錢折銀數目徵收由場員親往該鎮約束胥役不准於定價之外浮收分文以杜弊竇

一鹽法志載竈戶內有倚恃貢監生員抗課不完欠八分以上者責四十板枷號兩箇月欠五分以至七分者責三十板枷號一箇月欠四分以下者責二十板俱革黜爲民所欠課銀仍嚴行比追如有自恃生監目無場官者場官申詳卽按律治罪等語應重申禁令俾眾咸知警惕以肅紀綱

竈課名目

一倉鹽折價舊額課銀七萬七兩二錢七分二釐六毫  
一忽三微二纖四沙三塵九渺八漠一遂嘉慶十一年  
歲額課銀八萬五百三十六兩三錢七分六釐五毫七  
絲九微一沙九塵四埃七渺八巡二須八臾

謹按明初邊中海支之法商輸粟於邊支鹽於海卽  
以竈戶倉鹽一引酬之各場竈戶官給草蕩煎煮其  
徵本色鹽三十七萬三千二百四十餘引每引該鹽  
二百零五斤收儲鹽倉聽候商人持引支鹽故曰倉  
鹽如遇水旱產鹽不足每引徵銀二錢還商謂之折

價萬歷四十六年御史龍遇奇從疏理鹽法道袁世振議以年來鹽法日敝乏商無力辦課俱借庫銀措解今權以倉支者代商補庫自丁巳起丙寅止凡十年行至丁卯仍以倉鹽還商部覆從之崇禎年間因邊餉不充議解太倉遂爲歲課

一水鄉原額課銀一千八百二十九兩九錢康熙九年題豁銀七十六兩實額徵銀一千七百五十三兩九錢嗣因前項銀兩並無蕩地分給於乾隆二十三年奏准於泰屬新廟二場新陞沙蕩課內抵除

謹按舊規水鄉竈戶離蕩寫遠不諳煎鹽者每引納

工本銀三錢五分解送運使給散竈丁或年終解部  
轉送太倉銀庫及各邊支用正德七年允巡鹽御史  
朱冠請水鄉竈戶每引折價二錢鹽課司年終解送  
運司解部或曰鹽場爲竈丁煎鹽之所外來流寓人  
戶在場生理既獲竈利分應供役但流寓不習煎鹽  
議以派定應辦額鹽每引納銀二錢給商便場買補  
謂之水鄉卽倉鹽折價別名所以酬商也萬厯末年  
御史龍遇奇從疏理鹽法道袁世振議暫借此項代  
商補庫後遂援例徵解

一沙蕩舊額課銀六千七十六兩八錢三分五釐六毫



四絲七忽二微三纖二沙六塵二埃六渺四遂八巡嘉  
慶十一年歲額課銀六千五十二兩八錢二分一釐六  
毫七絲五忽九微三纖六沙八塵二埃六渺九漠一遂  
七巡九須二臾

謹按各場海濱漲地潮落水退之後泥淤沙積而成  
曰新漲沙蕩其課始於順治十三年報部後歲歲經  
理而增廣之夫沙蕩係潮水所漲坍沒不常丈報新  
陞清查舊額庶免虛報懸坐之愆亦恤竈之一道云  
一倉基歲額課銀二十五兩九錢四分一釐五絲七忽  
六纖四沙

同治縣志卷之十一  
五  
謹按以上倉鹽折價水鄉沙蕩倉基四項歲額課銀  
係嘉慶舊志所載至見額竈課僅分草蕩沙蕩倉基  
三項其實徵銀數應以光緒十七年達部由單爲斷  
詳見下篇

兩淮鹽法志卷九十七